

本紀  
皇后  
諸王  
列傳

東都事略式



東都事畧卷第十一

本紀十一

國朝古  
天禧  
宋史  
宋史  
宋史

政和元年春正月戊寅皇子栢封定國公三月癸酉王襄封廣國公冬  
密院事夏淮南旱五月戊辰詔以當十錢當三秋八月丁巳張商  
英罷九月戊寅王襄罷以童貫使于遼丁亥皇子栢封廣國公冬  
十月辛卯詔曰朕奉承聖考任賢使能惟恐弗及用事之臣弗迪  
訓告乘高執而為邪附下罔上陰害紹述姦迹既露猶復怙終朕  
甚羞之朕於士大夫矜以節行厲以廉恥寵以高爵厚祿可謂無  
負矣其有險詖躁競朋黨比周朕則放棄戮辱焉布告列位咸諭  
朕意十一月癸亥詔曰毀傷支體有害風教況夷人之法中華豈  
可效之監司宜禁止丙子皇子栢封福國公

二年春正月童貫使還以其叛臣馬植來歸易姓名曰李良嗣夏

東都事畧

卷十一

掃葉山房

四月己丑詔縣令勸課癸卯詔曰古者井天下之田而衣食足神  
考方天下之田以正經界庶乎復古矣今續而成之以紹先烈焉  
其復方田五月皇子椿封慶國公己巳蔡京以太師楚國公三日  
一至都堂議事六月己丑余深門下侍郎秋七月甲子詔曰親親  
仁也今宗族蕃衍盛大其置敦宗院於兩京以養宗室九月癸未  
詔曰前代以僕臣充宰相之任六卿為三公之官昔我神考有志  
改為或未遑朕適追來孝若昔大猷稽三代公孤之名致左輔  
右弼之號是正名實惟古之師官不必備而惟其人祇于新書克  
祗厥服以成烈考之志宜以太師太傅太保為三公少師少傅少  
保為三孤以左輔右弼太宰少宰易侍中中書令左右僕射之名  
舊以太尉司徒司空為三公及尚書置令並罷又詔太尉古官舊  
掌武事雖循秦漢為三公之任名稱以久可改為武選一品之位



在節度使之上其儀物班序居執政之次冬十月戊子獲元圭於民間蔡京以爲天錫禹者十一月戊寅皇帝受元圭於大慶殿大赦天下辛巳何執中改少傅太宰兼門下侍郎十二月辛亥皇子樞封衛國公是歲定國公棋薨

三年春正月甲子詔曰朕荷天之休錫以元圭告成厥功推原本始實自我烈考弛張彌綸權輿萬事以克用又亦惟我哲宗繼志述事克篤前烈顧朕何德以堪之永言孝思不可不告可差官冊告永裕永泰陵神宗尊諡不著稽古建立法度之意哲宗遵制揚功永未昭顯其令羣臣議奏丁丑吳居厚罷鄭居中知樞密院事已卯皇子樞封韓國公二月辛卯崇恩太后崩三月壬子朔日有食之夏四月南平夷納土癸巳鄧洵仁罷己酉薛昂尚書右丞閏月丙辰詔曰周稱王姬見於詩雅姬雖周姓攷古立制宜莫如周

東都事畧

卷十一

一

掃葉山房

令帝天下而以主封姬可改公主爲帝姬郡主爲宗姬縣主爲族姬其稱大者可並依舊仍以媼名二字易其國號兩國者以四字庚午慶國公椿薨五月丙午昭懷皇后祔葬泰陵己酉以大晟樂班之天下其舊樂悉禁秋七月己亥貴妃劉氏薨九月創方澤以祀地祇冬十一月壬寅祀昊天上帝于圜丘大赦天下增上神宗徽號改定哲宗尊諡戎州夷人納土十二月保州納土

四年春二月皇長子行冠禮于文德殿夏五月丙戌始祭地祇于方澤赦天下霸州納土冬十一月丁丑皇子樞封相國公

五年春正月夷卜漏犯瀘州二月乙巳立皇長子定王爲皇太子甲寅太赦天下夏六月孟昌齡鑿大伾作三山橋秋七月戊辰朔日有食之丁丑詔建明堂丁亥皇子機封陳國公樞封瀛國公冬十一月丙戌皇子樞封惠國公十二月戊午趙適擒卜漏是歲遼



人與女真交攻遼人大敗

六年春二月童貫僉書樞密院事宜撫陝西河東河北三月辛丑茂州夷人納土夏四月辛未何執中以太傅致仕己丑罷夾錫錢庚寅詔蔡京三曰一朝仍赴都堂及輪往逐省治事辛卯上玉皇尊號曰太上開天執符御歷含真體道昊天玉皇上帝童貫以神師道之師大敗夏人於臧底河成德軍五月庚子鄭居中太宰兼門下侍郎劉正夫少宰兼中書侍郎壬寅鄧洵武知樞密院事秋七月庚子詔曰朕嗣先帝盛德大業法成令具吏習而民安之休祥荐臻四方蒙福生齒日衆本支蕃衍蠻夷納土開疆寔廣興事造功制禮作樂四方之遠人材之衆倍蓰於前遠矣挾姦罔上者於太平豐亨豫大之時欲爲五季變亂裁損之計朕若稽古訓審而後行而施之罔極豈有改作葢害成之人敢行私智爲臣不忠東都事畧

卷十一

三

掃葉山房

罪莫大此可令御史臺覺察糾奏荆湖蠻寇攻沅州八月癸亥詔邊臣曰北虜不道結驪女真南北生靈皆朕赤子凡百舉措當務持重違者朕不汝貸己巳侯蒙中書侍郎薛昂尚書左丞九月辛卯朔上昊天尊號寶冊丙申大赦天下冬十一月己亥祀昊天上帝于圓壇大赦天下庚子白時中尚書右丞辛丑魏國公材薨癸卯上后土徽號曰承天效法厚德光大后土皇地祇皇子樞封鄆國公十二月乙酉劉正夫致仕遼主延禧與女真戰大敗而潰耶律淳自立於燕

七年春正月召道士林靈素于温州築通真宮以處之癸丑皇帝崇尚道教號教主道君皇帝二月辛未改天下天寧觀爲神霄玉清萬壽宮無觀者以寺充仍設長生大帝君青華大帝君像建寶籙宮三月乙未童貫權領樞密院事夏五月辛丑祭地祇于方澤



赦天下六月明堂成秋七月庚子詔八寶增定命寶自今以九寶爲稱八月鄭居中以母憂罷九月宗祀于明堂大赦天下冬十月乙卯朔御明堂平朔左个以是月天運致治布告于天下自是月朔布政孟冬頒歷率推攷氣運具之文辭以爲常戊寅侯蒙罷十一月鄭居中起復余深少宰兼中書侍郎白時中中書侍郎十二月丁巳薛昂門下侍郎庚午童貫領樞密院事

重和元年春正月甲申朔皇帝受定命寶戊子皇孫諶封崇國公己丑大赦天下庚戌王黼尚書左丞童貫帥師與夏人戰于割牛城我師敗績熙河帥劉法死之二月庚午遣馬政由海道聘女真夏五月壬午朔日有食之六月癸酉夏人納款秋七月壽山艮嶽成八月庚午建道學癸酉皇子椅封嘉國公九月辛巳宗祀明堂自是歲以爲常庚寅薛昂罷白時中門下侍郎王黼中書侍郎馬

東都事略

卷十一

四

掃葉山房

熙載尚書左丞范致虛尚書右丞辛丑鄭居中罷閏月丁卯皇子椅封鄆王丙子詔曰昔我藝祖受禪于周嘉祐中擇柴氏一人封崇義公而三恪之封不及禮蓋未盡除崇義公依舊外擇柴氏最長見存者爲周恭帝後以其世監周陵廟與知縣請給以示繼絕之仁爲國三恪冬十一月己酉朔大赦天下改元丙子詔服韠改用履

宣和元年春正月壬子皇子樞封肅王杞景王乙卯詔改佛爲大覺金仙餘爲仙人道士僧稱德士尼爲女德士寺爲官院爲觀禁銅鍍塔像佛賜天尊服德士依道流戴冠丁巳女真遣使者來余深太宰兼門下侍郎王黼少宰兼中書侍郎癸酉皇子棟封溫國公二月庚辰詔行藉田改元三月己未馮熙載中書侍郎范致虛尚書左丞張邦昌尚書右丞京師大水是月皇后親蠶夏四月丙



子朔日有食之癸巳禁邊將以陳亡爲逃亡者秋八月丁酉神霄宮成九月乙卯范致虛以母憂罷冬十一月乙卯祀景天上帝子園壇大赦天下放林靈素歸于温州戊辰張邦昌尚書左丞王安中尚書右丞是歲金人攻遼國陷其東京黃龍府

二年春正月罷道學二月乙亥趙良嗣王瓌聘金國夏五月甲子祭地祇于方澤六月戊寅蔡京致仕乙酉罷方田秋七月皇子樵封英國公九月壬寅金國遣錫速曷魯等來乙巳詔復佛號德士復爲僧丙辰以馬政聘金國冬十月戊辰朔日有食之睦州方臘陷睦婺杭歙等州十一月己亥余深罷庚戌王黼太宰兼門下侍郎十二月丁亥以童貫譚稹討方臘己丑鄭居中權領樞密院事三年春正月壬寅鄧洵武薨戊午皇子栩封濟王模樂安郡王二月丁卯罷淮南兩浙福建等路計置華石詔罷辟雍癸巳大赦天

東都事畧

卷十一

五

芾葉山房

下方臘陷楚州淮南盜宋江犯淮陽軍又犯京東河北入楚海州夏四月丙寅貴妃劉氏薨庚寅童貫以其將辛興宗與方臘戰于青溪擒之五月丙申宋江就擒戊戌鄭居中領樞密院事蝗閏月置應奉司秋七月戊子童貫俘方臘以獻八月丙辰方臘伏誅冬十一月丁丑馮熙載罷張邦昌中書侍郎王安中尚書左丞李邦彥尚書右丞辛巳皇子柎封儀國公十二月壬子皇子棫封益王皇第九子封康王模祁王羣盜悉平

四年春正月金國遣使來約夾攻遼國丁丑以童貫宣撫陝西河東河北時金人已破中京遼主延禧遁上以三策付貫如燕人悅而從之因以復舊疆上也如耶律淳納土稱藩中也如燕民未悅服按兵巡邊全師而還下也二月丙午皇子植封信安郡王三月辛酉幸太學夏四月以童貫爲河北河東路宣撫使蔡攸副之丙



午詔求遺書于天下五月丁卯皇子柄封昌國公童貫以楊可世  
之師與遼人戰于涿州之新城敗績种師道進軍白溝爲夔离不  
所襲詔班師六月耶律淳死其妻蕭氏納款秋八月辛亥遼國郭  
藥師以涿易二州來降九月己未金國遣徒姑且烏歇高慶裔來  
冬十一月庚午祀昊天上帝于圓壇大赦天下十二月戊子趙良  
嗣周武仲使于金國王寅皇子植封莘王

五年春正月王安中爲河北燕山路宣撫使二月乙酉李邦彥尚  
書左丞趙野尚書右丞臺子朴封華原郡王棣高平郡王三月乙  
卯金國遣寧木割王度刺撒盧母來命盧益趙良嗣馬擴聘之夏  
四月庚子童貫蔡攸帥師入燕山庚戌赦河北河東燕山路詔燕  
京改爲燕山府趙良嗣等得金國誓書以燕京六州來歸至是撫  
定五月庚申王黼爲太傅楚國公平州張覺以其地來降癸酉祭

東都事畧

卷十一

六

掃葉山房

地祇于方澤六月戊申鄭居中薨辛亥蔡攸領樞密院事秋七月  
己未童貫致仕庚午羣臣上尊號曰繼天興道駿文神武睿聖皇  
帝上不許八月辛丑遼國四軍夔离不率師犯景薊與王師遇敗  
之于峯山冬十二月戊申皇子朴封儀王棣封徐王

六年春正月癸亥人殺夔离不傳首于我詔曰朕誕膺帝命克紹先  
猷取亂侮亡恢復境土施大澤於燕雲開舊俗來歸如水就下獨  
僞四軍大王夔离不悖衆逆命前年首犯王師于白溝繼復旅拒  
燕城旋命偏師敗于廣陽之北乃敢干天之紀擅卽偏位去年輒  
寇景薊罪不容誅爰飭六師大敗于峯山隻輪不返甲辰傳首京  
師惟予克相上帝以遏亂畧皇天助順宗祏垂休有此駿功朕敢  
專享可擇日奏告宗廟二月丁亥皇子樛封河間郡王己亥親耕  
藉田閏三月辛巳皇后親蠶夏四月己酉陳橋顯烈宮成丁巳李



邦彥以父憂起復六月起燕雲免夫錢於逐路郡縣守吏往往以軍法誅民河北盜起秋八月乙卯童貫落致仕領樞密院事陝西河北河東燕山府路宣撫使金人以我之納張覺也欲敗盟故復用貫壬戌大赦天下九月乙亥白時中太宰兼門下侍郎李邦彥少宰兼中書侍郎丁亥趙野尚書左丞宇文粹中尚書右丞蔡懋同知樞密院事金人來取張覺傳首與之冬十一月丙子王黼致仕丙戌詔尚書省置講議司十二月癸亥蔡京落致仕領三省事是歲金人擒遼主延禧于來山遼亡

七年春正月癸酉朔詔告諭河北河東盜賊唐鄧汝潁流移人戶方春田桑宜使復業言念良民皆吾赤子比緣用非其人政失厥中不能撫御安集使饑寒流離扶老攜幼動以萬計轉而爲盜非其本心爲之惻然其赦厥罪仍放宣和六年未納稅租監司州縣

東都事畧

卷十一

七

掃葉山房

奉行毋忽乙亥詔曰往者臺綱不振植黨交私耳目之寄夫何賴焉朕今廣開言路爾其各揚乃職毋憚大吏毋徇私交毋伺大臣風旨以爲鄉背務公好惡振紀綱以副朕意二月己巳皇子棣封南康郡王榛平陽郡王三月丙戌皇子模封建安郡王夏四月庚申蔡京致仕戊辰詔曰坐而論道于燕閒者三公之事作而相與推行者宰輔丞弼之職今居三公論道之位而總理三省衆務使宰輔丞弼殊成備員殊失所以紹述憲章之意可於尚書省復置令虛而不除三公止係階官吏不總領三省若曰佐玉論道經緯國事則三公其任焉三省並依元豐成憲毋復侵紊五月壬午皇子樞封潤國公壬辰詔曰有司凡有侵漁蠹耗之事理宜裁抑應不急之務無名之費令講議司條具以聞六月乙巳童貫封廣陽郡王秋七月庚午朔禁士庶名字有犯天王君聖及主字者甲戌



皇子楊封沂王八月罷講議司冬十一月丙戌祀昊天上帝于圜壇大赦天下金人分道南下幹離不至燕山黏罕至河東逾石嶺關二帥會于河北遂以兵向京師十一月罷應奉司戊午皇太子除開封收詔曰朕獲承祖宗休德託于士民之上二紀于茲雖兢兢業存于中心而過咎形于天下蓋以寡昧之資藉盈成之業言路壅蔽導諛日聞恩倖持權貪饗得志搢紳賢能陷於黨籍政事興廢拘於紀年賦斂竭生民之財戎役困軍伍之力多作無益侈靡成風利源辜權已盡而牟利者尚肆誅求諸軍衣糧不時而冗食者坐享富貴災異謫見而朕不悟衆庶怨懟而朕不知追惟已愆悔之何及已下信詔大革弊端仍命輔臣蠲除害政凡茲引咎與自朕躬庶以少謝天下謹怒之心保全祖宗艱難之業慨念前此數有詔旨如下令以求直言修政以應天變行之未久奪于權臣

東都事畧

卷十一

八

掃葉山房

歸咎建議臣僚使號令不信士氣沮傷今日所行質諸天地後復更易何以有邦況當今急務在通下情不諱切直之言兼收勇智之士思得奇策庶能解紛望四海勤王之師宣二邊禦敵之畧永念累聖仁厚之德涵養天下百年之餘豈無四方忠義之人來徇國家一日之急應天下方鎮郡邑守令各率師募衆勤王捍邊能立奇功者並優加異獎不限常制草澤之中懷抱異材能爲國家建大計定大業或出使疆外者並不次任使其尤異者以將相待之中外臣僚士庶並許實封直言極諫於登聞檢院通進司投進朕當親覽雖有失當亦不加罪咨爾萬方體予至意庚申皇帝遜位于皇太子辛酉皇太子卽位尊皇帝曰道君太上皇帝居龍德宮皇后曰道君太上皇后靖康二年二月丁卯道君皇帝出郊三月丁巳道君皇帝北狩紹興五年四月乙未道君皇帝崩聖壽五

十四諡曰聖文仁德顯孝皇帝廟號徽宗十二年八月乙丑歸殯于龍德宮十月丙寅葬永祜陵丙午加上尊諡曰體神合道駿烈遜功聖文仁德憲慈顯孝皇帝

臣偁曰元符末命欽聖定策以立徽宗起范純仁于謫中欲任以相事而純仁以病不能造朝烏虜純仁不得相徽宗于初政此治亂之所以分也夫忠臣進則朝廷尊羣陰用則禍亂作徽宗旣已悟矣於是改過不吝以彰信兆民遜位于子以克謹天戒雖二駕遠狩而大業復興有以也夫


東都事畧卷第十一終

東都事畧

卷十一

九

掃葉山房



此卷所載... 東都事畧... 卷十一... 掃葉山房... 此卷所載... 東都事畧... 卷十一... 掃葉山房... 此卷所載... 東都事畧... 卷十一... 掃葉山房...



東都事畧卷第十二

本紀十二

欽宗恭文順德仁孝皇帝徽宗長子也母曰顯恭皇后王氏以元符三年四月己酉生于坤寧殿時徽宗甫登位卽生嫡長欲異其禮越三日辛亥大赦授山南東道節度使封韓國公建中靖國元年改鎮興德封京兆郡王崇寧二年拜司空移鎮武昌封定王三年拜太保五年立爲皇太子宣和七年金人南侵除開封收徽宗內禪以十二月辛酉卽皇帝位于垂拱殿徽宗出居龍德宮吳敏門下侍郅王戍大救天下立皇太子妃朱氏爲皇后甲子粘罕圍太原耿南仲僉書樞密院事金人克信德府丙寅上道君皇帝尊號曰教主道君太上皇帝母皇后曰道君太上皇后詔改元

靖康元年春正月丁卯朔詔求直言戊辰金人圍濬州內有梁方

東都事畧

卷十二

瑋葉山房

平以其兵遁大將何灌亦望風潰金人遂度河己巳詔親征吳敏知樞密院事道君皇帝東幸庚午李綱尚書右丞宇文粹中扈從東幸綱建議城守罷親征以綱爲行營使辛未白時中罷李邦彥太宰兼門下侍郎張邦昌少宰兼中書侍郎趙野門下侍郎王孝迪中書侍郎蔡懋尚書左丞金人逼京師癸酉幹離不軍至城下遣李稅鄭望之使于軍前金人移壁開遠門唐恪同知樞密院事蔡懋爲京城四壁守禦使金人攻通天景陽門又攻陳橋封邱衛州等門大將何灌死之丙子皇帝康王使金營庚寅張邦昌從康王詣金營辛巳道君皇帝至鎮江府路允迪僉書樞密院事大風吹沙皇子謀封大寧郡王乙酉路允迪使河東粘罕軍丁亥种師道姚平仲兵至闕下以師道同知樞密院事京畿河東北路宣撫使四方勤王並隸之己丑种師道與金人戰于板橋敗之癸巳大



霧四塞二月李稅鄭望之至金營金先遣稅歸是夜姚平仲率步騎萬人劫金砦以敗還李綱罷庚子金人求上母弟爲質辛丑以宇文虛中王侁使幹離不軍齊割三鎮詔書以往太學生伏闕上書擅殺內臣于闕下李綱復爲尚書右丞金人遣王訥隨宇文虛中來報聘金人攻咸豐門癸卯皇帝肅王樞使幹離不軍蔡懋罷徐處仁中書侍郎宇文虛中僉書樞密院事乙巳以宇文虛中王侁再使幹離不軍是日康王還自金營丙午罷明堂頒朔布政丁未金人退師戊申大赦天下詔曰自今庶事並遵用祖宗舊制選用大臣裁抑內侍不崇飾恩倖不聽任姦人不輕爵祿不濫賜予不奪爾居以營燕遊之地不竭爾力以廣浮凡之費凡蠹國害民之事一切寢罷咨爾有衆明聽朕言庚戌李邦彥罷張邦昌太宰兼門下侍郎吳敏少宰兼中書侍郎李綱知樞密院事耿南仲尚

東都事畧

卷十一

掃葉山房

書左丞李稅尚書右丞辛亥宇文粹中罷癸丑种師道罷黏罕兵次高平甲寅童貫蔡攸貶貫仍致仕金人克隆德府守臣張確死之辛亥斬梁方平于都市遣王雲曹躒使幹離不軍王孝迪罷三月戊辰李稅罷己巳張邦昌罷徐處仁太宰兼門下侍郎唐恪中書侍郎何桌尚書右丞許翰同知樞密院事庚子宇文虛中罷命趙野蔡攸奉迎道君皇帝辛巳道君皇帝至南京壬午詔曰朕承道君皇帝付託之重卽位十有四日金人之師已及都城大臣建言捐金帛割土地可以紓禍賴宗廟之靈守備弗缺久乃退師而金人要盟終弗可保今肅王度河北去未還黏罕深入南克隆德又所過殘破州縣掠士女朕夙夜追咎何痛如之己詔元主和議李邦彥及奉使許地之人悉行罷黜又詔种師道姚古种師中往援三鎮朕惟祖宗之地尺寸不可與人且保塞陵寢所在誓當固



守不忍陷三鎮二十州之民以媮頃刻之安與民同心永保疆土  
播告中外使知朕意癸卯命李綱迎道君皇帝于南京辛卯李綱  
自南京還夏四月丁酉朔立大寧郡王諶爲皇太子戊戌夏人寇  
震威賊已亥道君皇帝至自南京入居龍德宮癸卯耿南仲門下  
侍郎戊申置詳議司于尚書省己酉趙野罷壬子幹離不遣賈寔  
冉企來甲寅以种師道爲河北河東宣撫使戊午皇弟棣封和王  
恠信王癸亥誅趙良嗣五月庚午寒如深冬甲戌救河北丁丑种  
師中與金人戰于榆次死之甲申罷詳議司六月戊戌李綱爲河  
北河東宣撫使辛丑以劉韜爲副使壬寅皇弟棣封安康郡王棣  
廣平郡王詔曰朕旣詔三省樞密院並依祖宗舊法而羣臣庶士  
亦當講孔孟之正道察宏石舊說之不當者壬戌葺出紫微垣秋  
七月辛卯誅童貫勝捷軍叛犯濮州韓世忠討平之八月辛丑詔

東坡書

卷十一

三

希葉山房

以葺見條具疾苦俾官吏除苛解燒奠召和氣折可求與金人戰  
敗績退保汾州甲辰以宗澤使幹離不軍李若水使黏罕軍已未  
徐處仁吳敏罷唐恪少宰兼中書侍郎何桌中書侍郎陳過庭尚  
書右丞許翰罷聶昌同知樞密院事李回僉書樞密院事九月丙  
寅黏罕克太原府帥張孝純爲金人所執戊寅李綱罷分天下爲  
四道置四帥帶都總管北京帥總北道西京帥總西道南京帥總  
東道鄧州帥總南道冬十月丁酉金人克真定府戊戌金人遣楊  
天吉王汭來欲割三鎮要尊號車輅等朝廷以帝號車輅及三鎮  
稅數遣王雲同汭行庚子克汾州守臣張克戩死之丁未馮澥知  
樞密院事壬子皇弟康王使幹離不軍以王寓爲尚書左丞副之  
寓辭行貶以馮澥代之丙辰金人圍平陽府澤州十一月丙寅夏  
人陷懷德軍守臣劉銓通判杜翊世死之戊辰康王還馮澥罷王

雲還言金必欲得三鎮庚午詔河東河北京畿清野甲戌金人度河乙亥命皇弟康王再使幹離不軍王雲副之京師戒嚴丁丑何奩罷陳過庭中書侍郎孫傅尚書右丞庚辰康王至相州辛巳命講昌領守禦使壬午康王次磁州磁人殺王雲康王回相州命耿南仲使幹離不軍講昌使黏罕軍甲申孫傅同知樞密院事曹輔僉書樞密院事乙酉幹離不軍至城下丁亥李回罷金人攻通津門楊天吉等再來己丑張叔夜以南道勤王之師到闕庚寅皇帝幸東壁勞軍何奩門下侍郎閏月壬辰皇帝幸西壁唐恪罷改太宰少宰復爲左右僕射以何奩爲尚書右僕射兼中書侍郎癸巳皇帝幸東壁是日迎土牛以借春甲午皇帝幸北壁大雨雪金人克懷州守臣霍安國死之乙未皇帝幸西壁丙申皇帝幸南壁金人克拱州丁酉赤氣亘天馮澥尚書左丞黏罕兵薄南壁王宗漜

東都事略

卷十一

四

掃葉山房

下城與金人戰敗績庚子皇帝幸東壁張叔夜僉書樞密院事金人攻宣化門壬寅皇帝幸北壁癸卯講昌至絳州遇害甲辰大雪金人克亳州丙午大雪金人爲鵝車以攻城己酉命皇弟康王爲兵馬大元帥辛亥金人來議和要親王出盟壬子遣曹輔馮澥及宗室仲溫士諱使于金營癸丑仲溫士諱還甲寅至丙辰大風雪不止金人克京師上曰朕不用种師道言以至於此初金人之去也師道常勸上半度擊之不然異日必爲後患至是果然金人遣蕭慶等四人來要皇帝會盟議欲請道君皇太子越王鄆王爲質上曰朕爲人子豈可以父爲質哉丁巳道君皇帝入居延福宮金人盡得四壁遣李若水再使金營金人招宰相議事乃遣何奩及濟王栩棨栩回同金人四人來議和自乙卯雪大作盈三尺不止天地晦暝雪霽星竟天己未何奩再往軍前詔曰大金堅欲道



君出郊朕以宗廟生靈之故義當親往咨爾衆庶無致驚疑庚申  
旦日赤如火辛酉皇帝出郊入金營十二月壬戌朔皇帝康王開  
兵馬大元帥府于相州癸亥皇帝還宮甲子金人來索金一十萬  
錠銀二十萬錠練帛如銀之數以犒軍乙丑詔曰元祐皇后逮事  
宣仁聖烈皇后欽聖憲肅皇后又曾經送哲宗皇帝山陵元符之  
末欽聖憲肅皇后垂簾曾降指揮復冊命爲元祐皇后可檢會恭  
依元降指揮仍尊爲元祐皇后以順天下之意丙寅遣陳過庭劉  
幹折彥文往河北河東割地金人拘過庭于軍前丁卯金人來索  
軍器乙亥皇帝康王如大名府是夜京師火癸未詔曰風雪大寒  
小民闕乏凍餒皆朕不德所致其艮山竹木許任便樵採庚寅皇  
弟康王如東平府金人圍蔡州

二年春正月庚子皇帝再出郊入金營丙午劉幹死于金營二月

東都事略

卷十一

五

滎葉山房

丙寅吳升莫儔自金營持文書令依金主詔推薦異姓堪爲人主  
者從軍前備禮冊命仍邀道君皇帝出城丁卯道君皇帝道君皇  
后同出郊鄆王楷以下諸王妃公主都尉皆從燕王越王亦出辛  
未皇后皇太子同出郊壬申孫傅張叔夜往軍前戊寅金歸張邦  
昌庚辰康王如濟州金人無禮于我李若水死之乙酉金人以金  
銀不足殺梅執禮程振陳知質安扶三月辛卯朔張邦昌入京師  
丙申吳革謀起義不克死之丁酉金人立張邦昌國號大楚宗澤  
與金人戰于長垣敗之庚子金人來取宗室甲辰金人入內藏庫  
乙卯馮澥曹輔路允迪等還何奩孫傅張叔夜秦檜司馬朴以廢  
立異議令舉家北遷丁巳道君皇帝北狩夏四月庚申朔皇帝北  
狩金人退師遂取河東河北地辛酉康王以檄書告諭四方壬戌  
邦昌迎元祐皇后入居延福宮號宋太后癸亥羣臣勸進于康王

甲子邦昌以書至大元帥府丁卯謝克家以邦昌之命齋玉璽至大元帥府戊辰邦昌請元祐皇后垂簾聽政庚午邦昌復辟癸酉在京文武百官勸進于康王乙亥以路允迪爲奉請車駕進發使范宗尹副之康王自濟州由金鄉單父以至南京癸未駐軍府治甲申張邦昌至南京伏地慟哭請死王慰撫之戊子元祐皇后遣使齋手書于南京五月庚寅朔康王卽皇帝位于南京迺上尊號曰孝慈淵聖皇帝紹興三十一年金國使來言皇帝去冬崩聖壽六十一七月癸未諡曰恭文順德仁孝皇帝廟號欽宗

臣傅曰自吾有敵讐而欽宗適丁斯時天下之勢岌岌矣欽宗乃當寧興歎思得賢佐以張國威而朝無君子終敗乃事蓋百六之會難道也然民之戴宋有死無二此仁聖所以中興于南都云



東都事畧卷第十三

宋王偁撰

掃葉山房校刊

世家一

詩稱關雎之德所以正夫婦而化天下也是以輔佐君子有逮下之仁而無嫉妬之心懷進賢之志而有憂勤之念用能助成一代之治以興太平之基塗山啓夏任姒作周豈不曰內德之茂哉昭憲杜后篤生上聖以造我宋其宏規遠慮實應關雎之德與塗山任姒亦何以異自昭憲以降正始之道相守如一皆以遵承祖宗家法爲先是雖賢德懿範有所從始然亦列聖修身正心齊家之本有以極其摯如此至於名品之別儀制之序其所由來者尚矣故畧而不書

宣祖昭憲皇后杜氏定州安喜人也父爽贈太師后旣笄歸于宣

東都事畧

卷十三

掃葉山房

祖治家嚴毅有禮法生太祖太宗周顯德中太祖爲定國軍節度使封南陽郡太夫人及太祖爲羣情推戴自陳橋還京師人走報后曰點檢已作天子后曰吾兒素有大志今果然矣太祖旣卽位拜后於堂上衆皆賀后愀然不樂左右進曰臣聞母以子貴今子爲天子胡爲不樂后曰吾聞爲君難且天子者置身兆庶之上若治得其道則此位可尊苟或失馭則求爲匹夫不可得是吾所以憂也子其勉之太祖再拜曰謹受教於是尊爲皇太后建隆二年后不豫太祖侍藥餌不離左右疾亟召趙普入受顧命后因問太祖曰汝知所以得天下乎太祖嗚嗑不能對后問之如初太祖曰臣所以得天下者皆祖考及太后之積慶也后曰不然正由周世宗使幼兒主天下耳使周氏有長君天下豈爲汝有乎汝百歲後當傳位于汝弟四海至廣萬幾至衆能立長君社稷之福也太祖

頓首泣曰敢不如太后教后因謂趙普曰爾同記吾言不可違也命普於榻前爲約誓書普於紙尾白書名云臣普書藏之金匱命謹密宮人掌之后崩于滋德殿年六十諡曰明憲葬安陵神主祔享太廟乾德二年改卜安陵更諡曰昭憲合祔安陵

太祖孝惠皇后賀氏開封人右千牛衛率府率景思長女也晉開運初宣祖爲太祖娉焉太祖領定國軍節度使封會稽郡夫人性溫恭柔順事舅姑盡禮生子德昭周顯德五年寢疾崩年三十宋興追冊爲皇后諡曰孝惠葬于安陵之西北神主享于別廟神宗時與孝章淑德章懷並祔享太廟

孝明皇后王氏邠州新安人章德軍節度使饒之第三女也孝惠崩納爲繼室封琅邪郡夫人建隆元年立爲皇后后慈仁恭勤奉養太后得其驩心崩年二十二諡曰孝明葬于安陵之北神主享

東都事畧

卷十三

一

掃葉山房

于別廟太平興國二年祔享太廟

孝章皇后宋氏河南洛陽人左衛上將軍偓之長女也孝明崩太祖遂娉入宮爲皇后年十七性柔順好禮太祖崩號開寶皇后居西宮雍熙四年移居東宮崩年四十四諡曰孝章祔葬永昌陵之北神主享于別廟神宗時升祔太廟

臣稱曰廟室祔以一后若追冊者則否太祖祔以孝明者禮之正也太宗祔以懿德者蓋以明德在也及明德崩與懿德同祔而元德以誕育真宗亦得祔焉此則禮從變也於此之時孝章豈不應與孝明同祔邪真宗廟室亦祔三后而孝章又不得升配太祖復何邪至神宗之世追冊之后並配于廟於是孝章始升祔云

太宗淑德皇后尹氏相州濮人滁州刺史廷勛之女也太宗在周時娶焉早崩太宗卽位追冊爲皇后諡曰淑德葬于孝明陵之西



北享于別廟後神主升祔太廟

懿德皇后符氏陳州宛邱人魏王彥卿第六女也顯德初歸太宗國初封汝南郡夫人建隆二年封楚國夫人太宗封晉王進封越國崩年三十四葬于安陵之西北太宗卽位追冊爲皇后諡曰懿德享于別廟真宗卽位詔有司議太宗配后宰相請以懿德配而宗正卿趙安易請以淑德配是時禮官以明德在萬安宮淑德懿德生不及尊崇之位沒升配享於人情未安請虛配位祕閣校理吳淑駁議皆以爲未允時將追尊元德淑因請以元德升配詔曰禮非天降地出酌于人情其以懿德皇后配於是神主升祔太廟明德皇后李氏潞州上黨人滿州刺史處耘第二女也懿德崩太祖爲太宗娉爲妃旣納幣會太祖崩至太平興國二年始入宮雍熙元年立爲皇后太宗崩真宗卽位尊后爲皇太后居西宮之嘉

東都事略

卷十三

三

稽業房

慶殿上官名曰萬安崩年四十五諡曰明德祔葬永熙陵禮官請以懿德明德同祔太宗室以先後爲次從之

元德皇后李氏真定人乾州防禦使英之女也開寶中封隴西郡君太宗卽位進夫人性恭肅有法度六宮推重之生楚王元佐及真宗薨年三十四真宗卽位追封賢妃又追上尊號爲皇太后諡曰元德祔葬永熙陵享于別廟大中祥符三年禮官趙湘請以元德皇后祔太宗廟室真宗曰此重事也俟令禮官議之至六年宰相王旦與羣臣繼請然後從之祔明德之次

真宗章懷皇后潘氏大名人忠武軍節度使美之第八女也真宗爲韓王太宗爲娉之召入宮封莒國夫人崩年二十三真宗卽位追冊爲皇后諡曰莊懷葬于永昌陵側陵名保泰神主享于別廟後升祔太廟國朝皇后諡冠以帝諡慶歷中禮官言孝字連太祖



諡德字連太宗諡遂改莊爲章以連真宗諡云

章穆皇后郭氏太原人宣徽南院使守文第二女也真宗爲襄王太宗爲媯之封魯國夫人進封秦國真宗卽位立爲皇后崩年三十二諡曰莊穆葬永熙陵之西北神主享于別廟乾興元年升祔真宗廟室後改諡曰章穆

章獻明肅皇后劉氏益州華陽人也父通贈太師魏王后善播載蜀人龔美與之入京師美以銀銀爲業真宗爲襄王納于潛邸張耆爲王宮指使王乳母秦國夫人性嚴整令王斥去因爲太宗言之王不得已置之張耆家太宗崩真宗卽位以爲美人以其無宗族乃更以美爲兄弟改姓劉大中祥符中爲修儀進德妃自章穆崩真宗欲立爲皇后大臣多以爲不可真宗卒立之李宸妃入宮生子是謂仁宗后以爲己子與楊淑妃撫視甚篤天禧四年真宗

東都事略

卷十三

四

掃葉房

疾甚宰相寇準密議請皇太子監國以謀泄罷相旣而入內都知周懷政謀廢后復用準爲楊崇勳所告懷政誅準貶海上真宗崩仁宗卽位尊后爲皇太后軍國大事權取皇太后處分垂簾聽政詔書稱吾以生日爲長寧節出御大安輦鳴鞭侍衛如乘輿父名通令天下皆避父諱有劉綽者自京西漕官遷朝以其在部日盤量在庾之糧得千餘斛乞付三司后問曰卿識王曾張知白呂夷簡魯宗道乎此四人者豈因盤量岐山賸進哉綽大慚當時廷臣皆服后之明天聖七年冬至仁宗率百官上壽會慶殿及恭謝宗廟乘玉輅禕衣九龍華釵冠行禮則服袞衣減宗彝藻去劍戴儀天冠前後垂珠翠各十旒于時小臣方仲弓上書請依武后故事立劉氏廟而程琳亦獻武后臨朝圖后擲其書于地曰吾不作負祖宗事后稱制凡十一年自仁宗卽位乃諭輔臣曰皇帝聽斷之



暇宜詔名儒講習經書以輔其德於是設幄崇政殿之西廡而曰命近臣侍講讀丁謂曹利用既以侮權貶竄而天下惕然畏之晚年稍進外家而信任內官仁宗春秋高猶不知爲宸妃所出終后之世無毫髮間隙蓋仁宗能盡孝而后亦慈愛保護之至也崩年六十四諡曰章獻明肅國朝皇后二諡稱制者則加四諡葬于定陵之西北於是秦寧軍節度使同平章事錢惟演請以章獻明肅章懿與章穆並祔真宗之室詔禮院議禮官以章穆祔食真宗斯爲正禮章獻母儀天下與明德例同章懿帝母之尊與元德例同且前代無同日並祔之禮其二后或祔真宗廟室或祀別廟惟上裁之詔三省與禮院更議皆以謂章穆皇后位崇中壺與懿德無異已祔真宗廟室自叶一帝一后之文章獻明肅處坤元之尊章懿感日符之貴皆功德莫與爲比謂宜崇建新廟同殿異室歲時東都事畧

卷十三

五

掃葉山房

薦饗一用太廟之儀仍別立廟名以崇世享於是翰林學士馮元等請以奉慈爲名詔從之至慶歷五年禮院言章獻章懿二后請遵國朝懿德明德元德三后同祔太宗廟室故事遷祔真宗廟室詔兩制議翰林學士王堯臣等議請二后遷祔真宗廟室序於章穆之次從之

章懿皇后李氏杭州人也性莊重寡言初入宮爲司寢生仁宗封崇陽縣君進才人爲婉儀仁宗卽位爲順容初章獻以仁宗爲己子而后不敢言中外亦未知也及后病革乃進爲宸妃薨年四十六章獻崩明道二年追冊爲皇太后諡曰章懿葬永定陵祔于別廟升祔太廟

章惠皇后楊氏益州郫人也少事真宗于藩邸景德初爲才人進婕妤又進婉儀拜淑妃真宗崩以遺制爲皇太妃章獻崩遺詔爲

皇太后同議軍國事議者以仁宗春秋高遂去同議軍國事之語不以效天下號保慶皇太后仁宗未有嗣每勸仁宗選宗子近屬養于宮中其選卽英宗也無疾而終年五十三諡曰章惠

仁宗廢后郭氏平盧軍節度使崇之孫也后生而性聰悟有容德天聖二年立爲皇后時仁宗寵張美人欲以爲后章獻難之后旣立而頗見疎也其後尚美人楊美人俱得幸數與后忿爭宰相呂夷簡請廢后仁宗亦以其無子遂廢之封爲淨妃玉京沖妙仙師賜名清悟居長樂宮於是御史中丞孔道輔右司諫范仲淹等伏閣言后無過不可廢旣而道輔等俱被逐景祐元年出居瑤華宮而尚美人亦廢於洞真宮入道楊美人於別宅安置又賜號金庭教主冲靜元師仁宗頗念之遣使存問賜以樂府后和答之辭甚悽愴仁宗嘗密令召入后曰若再召我須百官立班受冊方去其所守如此后有少疾命內侍閻文應挾鑿眊療數日乃言后暴薨年二十四外人莫能明也仁宗甚悼之追復皇后而停諡冊耐廟之禮

東都事略

卷十三

六

掃葉山房

慈聖光獻皇后曹氏贈韓王彬之孫贈吳王妃之女也皇后郭氏廢詔娉入宮冊立爲皇后后性節儉喜稼穡宮中種五穀親蠶好讀史書飛白慶歷八年後八月望日仁宗欲於禁中張燈后諫止之後三日衛士作亂至寢殿仁宗聞變遽欲出后召都知王守忠以兵入衛后知賊必縱火乃遣宦者持水踵賊後賊果以燭焚簾水隨滅之是夕所遣宦者后親翦髮以爲識諭之曰賊不加恩當以髮爲證改宦者爭盡死力賊卽擒滅張貴妃專寵驕恣后待之謹妃屢危中之卒不能害也英宗始四歲鞠養于禁中宣仁聖烈皇后后之甥也與英宗同歲亦鞠於后所仁宗曰他日以此女歸



之后許諾仁宗春秋高未有繼嗣天下寒心后居中決定大策遂以英宗爲皇子入居慶寧宮后待之恩意尤密仁宗崩英宗卽位尊后爲皇太后英宗感疾詔軍國事請太后權同處分乃御內東門小殿垂簾聽政天下翕然事涉曹氏及內臣者無少絲豪假借英宗寢康復后下手書歸政詔以所居宮殿名曰慈壽英宗崩神宗卽位尊后爲太皇太后易宮名曰慶壽神宗用王安石變更法度用兵興利而天下紛然神宗一日侍宣仁后同岐王至慶壽宮后曰吾昔聞民間疾苦必以告仁宗嘗因赦行之今宗祀在邇亦當爾神宗曰今無他事后曰吾聞民間甚苦青苗助役錢宜因赦罷之神宗曰新法以利民非苦之也后曰王安石誠有才學怨之者衆何不出之於外神宗曰羣臣中唯安石能橫身爲國家也歧王曰太皇太后之言至言也陛下不可不思神宗不懌神宗有意

東都事略

卷十一

七

摘葉山房

於燕薊已與大臣議定乃詣慶壽宮自其事后曰儲蓄賜予備乎鐵仗士卒精乎神宗曰平戎所須積有年所固已辦之矣后曰事體至大吉凶悔吝生乎動得之不過南面受賀而已萬一不諧則生靈所係粟帛所蠹未易以言苟可取之太祖太宗收復久矣何待今日神宗曰敢不受教蘇軾以詩得罪下御史獄人知必死后違豫中聞之謂神宗曰嘗憶仁宗以制科得軾兄弟甚喜曰吾爲子孫得兩宰相今聞軾以作詩繫獄得非仇人中傷之摺至於詩其過微矣吾疾執已篤不可以冤濫致傷中和宜孰察之神宗涕泣軾由此得免后疾久不平忽顧左右問此爲何日左右對以十月二十日后頷之迺自語曰只此日去只此日去免煩他百官蓋是日太祖大忌也遂崩其達死生之變如此年六十四諡曰慈聖光獻葬于永昭陵神主附于太廟

温成皇后張氏河南永安人也祖穎進士第終建平令父堯封亦  
舉進士爲石州推官以卒時兄堯佐補蜀官堯封妻求挈孤幼隨  
之官堯佐不收恤辭以道遠止之堯封母錢氏女也如幼無依由  
錢氏納于章惠皇后宮寢長得幸有盛寵妃巧慧多智數善承迎  
執動中外慶歷元年封清河郡君歲中爲才人遷修媛三年忽被  
疾曰妾姿薄不勝寵名願爲美人許之皇祐初進貴妃後五年而  
薨年三十一仁宗哀悼之追冊爲皇后諡曰温成父堯封追封清  
河郡王諡曰景思而堯佐寅緣僥幸致位通顯云

東都事畧卷第十三終

東都事畧

卷十三

八

掃葉山房

博雅王錡曰是感而奏登廣濟廟幸延寶殿觀天  
聖宗三十二年秋庚申秋之秋冊爲皇母諡曰聖如矣漢世準律  
我曰妾姿薄不勝寵名願爲美人許之皇祐初進貴妃後五年而  
薨中中央張氏天子使衛所攝妹幽中欲令人戮封數三年忽  
證以博雅王錡曰是感而奏登廣濟廟幸延寶殿觀天  
之百集出承效也應以應其心鑿其世論因父也感感無所由  
建世士爲石州推官以卒時兄堯佐補蜀官堯封妻求挈孤幼隨  
盛成皇曰堯封河清送人必願識惠上讀來事不令父堯封亦



東都事畧卷第十四

世家二

英宗宣仁聖烈皇后高氏亳州蒙城人也曾祖瓊贈魏王祖繼勳贈楚王父遵甫贈魯王慈聖光獻皇后后之從母也以故少與英宗向育禁中旣長歸英宗英宗入繼大統治平二年立爲皇后后明睿習史所以輔佐憂勤備至后旣立弟士林管當御藥院將遷官后曰妾乃安敢上比章獻明肅皇后及皇太后陛下承顏長樂故推恩曹氏以致孝愛之意願母以妾故亂祖宗法神宗卽位尊爲皇太后官曰寶慈元豐七年大燕延安郡王侍立神宗諭輔臣曰明年建儲當以司馬光呂公著爲師保至明年神宗不豫王珪蔡確韓縝章惇請對福寧殿珪乞立延安郡王爲皇太子請太后權同聽政神宗頷之珪等見太后簾下后泣撫王曰兒孝順自官

東都事畧

卷十四

稀葉山房

家服藥未嘗去左右書佛經以祈福喜學書已誦論語七卷絕不好弄乃令王出簾外見珪等珪等再拜謝且賀是日降制立爲皇太子后敕中人梁惟簡曰令汝婦製一黃袍十歲兒可衣者密懷以來蓋爲王倉卒踐祚之備也神宗與后屬意於哲宗者如此初雍王顥曹王頽曰詣寢殿問起居至是后諭二王非宣召毋得人哲宗卽位尊爲太皇太后與皇帝御延和殿垂簾聽政詔書稱吾以生曰爲坤成節出入御大安輦警蹕侍衛如乘輿立曾王諱吏官名曰崇慶召司馬光呂公著等于外未至遣中使迎勞手書問以今日設施所當先者旣而有旨散遣修京城役夫罷減皇城內覘者止御前工作出近侍無狀者三十餘人戒掖中外無敢苛刻暴斂廢導洛司物貨及民所養戶馬寬保馬限皆從中出大臣不與王珪蔡確章惇以罪去韓縝亦罷政光與公著同心輔政於



是更新法之不便於民者以常平舊法改青苗以嘉祐差役參改募役除市易之法寬茶鹽之禁賜邊岩贖亡民以和西戎而天下復安元祐三年御試進士有司請如天聖故事皇帝太后同御殿不許有司請受冊文德殿后曰吾豈敢比章獻且文德殿天子正牙也非女主所當御以早詔停用禮羣臣固請乃聽廷議患官冗詔裁損外家恩四之一服用儉質素見厚於慶壽遵其餘矩不敢忘斥賣橐裝命近侍往西洛舉曹氏喪數百悉封之后臨朝九年於寢食起居所以調護於哲宗者懇惻周盡八年后寢疾召宰輔至簾前曰今日疾少間欲與公等訣皇帝年少善輔導之崩年六十二諡曰宣仁聖烈葬永厚陵神主祔享太廟

神宗欽聖憲肅皇后向氏故宰相敏中之曾孫贈楚王傅亮之孫贈秦王經之女也以治平三年歸于穎邸封安國夫人神宗卽位

東都事畧

卷十四

一

掃葉山房

立爲皇后神宗崩哲宗卽位尊爲皇太后居慈德宮后平居無玩好閱祖宗實錄寶訓遂以通知故事向氏有援他族例遷官者后曰吾族未嘗有此詎可以恩廢法哲宗選后及諸王擇婦后豫戒族人勿以諸女自言宣仁聖烈皇后命有司葺舊慶壽宮請后居之后固辭曰豈有婦居東而姑處西瀆上下之分宣仁嘉其正以慶壽後殿爲隆祐宮哲宗崩宰相章惇有異議后毅然獨斷決策立徽宗遂權同處分軍國事凡故事所有如御正殿避家諱立誕節之類皆不用每聞褒錄勳賢省賦息兵崇儉愛民之事則喜見容色是歲降手書還政崩于慈德殿年五十六諡曰欽聖憲肅葬永裕陵神主祔于太廟

欽成皇后朱氏本姓崔父傑母李氏后少依任廷和家冒繼父朱士安姓初入宮爲侍御進才人又進婕妤元豐中拜昭容封賢妃



進德妃哲宗卽位尊爲皇太妃居瑞聖宮哲宗及蔡王似皆其所  
生也元祐三年大皇太后詔曰皇帝嗣位于茲四年皇太妃以恭  
儉之德鞠育之恩雖典策以時奉行而情文疑有未稱皇帝以祖  
考之奉尊無二上而吾惟春秋之義母以子貴其推天下之養以  
慰人子之心宜下有司尋繹典故於是櫜子飾以龍鳳繒用紅羅  
增從衛人冠服等並依皇后惟所居宮閣不設鴟尾又詔皇太妃  
儀制已依皇后其宮閣合稱殿與不禮官言緣禮尊無二上皇太  
妃無稱殿立殿名之制宣仁后山陵復土復下詔令禮官參攷典  
禮又詔曰昨親奉皇太后聖諭皇太妃特與立宮殿名坐六龍輿  
進黃繒出入由宣德正門三省乃議皇太妃坐龍鳳輿繒紅黃兼  
用遇從皇太后出入止用紅宮中並依皇后儀制於是宮殿名並  
以瑞聖爲名崇寧元年崩年五十一追尊爲皇太后諡曰欽成陪

東都書

卷內

二

摺葉房

葬永裕陵神主升祔于神宗廟室

欽慈皇后陳氏開封人也以選入禁中年十七神宗以爲侍御生  
徽宗封才人遷美人薨年三十三贈貴儀徽宗卽位詔有司議尊  
崇之禮追號皇太妃建中靖國元年追尊爲皇太后諡曰欽慈陪  
葬永裕陵神主陞祔于神宗廟室

哲宗昭慈聖獻皇后孟氏洛州人眉州防禦使元之孫女也元祐  
七年太皇太后以大禮儀制聘入宮立爲皇后以左僕射呂大防  
攝太尉充奉迎使同知樞密院事韓忠彥攝司徒副之尚書丞  
蘇頌攝太尉充發策使僉書樞密院事王巖叟攝司徒副之尚書  
右丞蘇轍攝太尉充告期使皇叔祖同知大宗正事宗景攝宗正  
卿副之皇伯祖判大宗正事高密郡王宗晟攝太尉充納成使翰  
林學士范百祿攝宗正卿副之吏部尚書王存攝太尉充納吉使

樞戶部尚書劉奉世攝宗正卿副之翰林學士梁燾攝太尉充納采問名使御史中丞鄭雍攝宗正卿副之后既立而劉婕妤寵幸陰有奪位之意紹聖三年哲宗遂廢后黜居瑤華宮賜號華陽教主玉清妙淨仙師名冲真初后朝謁景靈宮訖事就坐諸嬪御皆立侍劉婕妤獨背立簾下后閣中人陳迎兒喝曰綽開婕妤背立知故迎兒退歸有不平語由此閣中皆忿冬至日會朝隆祐宮俟見於他所后所御坐朱髹金飾官中之制惟后乃得之劉婕妤在他坐意象頗愠其從行者爲易坐製與后等衆皆側目不能平者故傳唱曰皇太后去所婕妤亦起立尋各復所或曰徹婕妤坐頓于地懟不復朝泣而去且訴于哲宗內侍郝隨謂婕妤曰毋以此戚戚願蚤爲天家生子此坐正當爲婕妤有耳會福慶公主疾后有姊頗知鑿嘗已后危疾以故出入掖庭公主藥弗效迺取道家

東部事畧

卷十四

四

播葉山房

治病符水以入宮熾以示后后變色問曰此何從來熾對以實后曰六姊寧知中禁嚴密與外舍異邪戒令存之俟見上言所以然已而哲宗過視公主疾后持以告哲宗哲宗曰此亦人情之常耳后即取符焚於前宮禁相傳厭魅之端作矣方公主病革忽有紙錢在旁后顧視頗惡忌之意自婕妤所遣人持來益有疑心未幾后養母聽宣夫人燕氏爲后禱祠事聞詔入內押班梁從政管當御藥院蘇珪卽皇城司鞠之獄成命侍御史董敦逸錄問遂詔廢后詔獄初起禁中捕逮幾三十人筆楚甚峻皆宦官宮妾柔弱之人暨錄問罪人過庭下者氣息僅屬或肢體已毀折至有無舌者無一人能聲對敦逸秉筆疑未下郝隨從旁以言脅之敦逸畏禍不能剛決乃以奏牘上蓋宰相章惇迎合於外而隨擠排於內莫有敢異議者其後敦逸奏言中宮之廢事有所因情有可察詔下



之曰天爲之陰翳是天不欲廢之也人爲之流涕是人不欲廢之也且言其常錄問獄事恐得罪天下後世哲宗曰敦逸不可更在言路曾布曰陛下本以皇城獄出於近習推治故命敦逸錄問今乃貶錄問官何以取信中外哲宗乃然之哲宗崩欽聖后臨御復其位號號元祐皇后崇寧元年馮澥上書以復后非是臺臣合奏其附和之蔡京主其說力請不已徽宗從之詔依紹聖詔旨復居璠華宮加賜希微元通知和妙靜仙師靖康元年冬金人克京師及二聖北狩自道君皇后皇太子以下后妃嬪御諸王帝姬并宗室近屬皆北徙而后以廢居璠華不與也張邦昌爲金人所逼僭位號乃奉迎后于璠華入居延福宮邦昌避位請后垂簾聽政號元祐皇后入居禁中時康王爲兵馬大元帥后以位授之於是康王卽位于南京其後事具日歷

東都事異

卷十四

五

摘葉山房

昭懷皇后劉氏初入宮爲御侍明豔冠後庭初封昌平郡君進美人又進婕妤遂拜賢妃有盛寵由是孟后廢元符二年立爲皇后哲宗崩欽聖念孟后無罪乃召入復位號稱元祐皇后而后稱元符皇后及欽聖崩元祐皇后復廢乃進號太后居崇恩宮政和三年后無疾而崩年三十五諡曰昭懷陪葬永泰陵神主升祔于哲

宗廟室

徽宗顯恭皇后王氏德州刺史藻之女也歸于端邸封順國夫人徽宗卽位冊爲皇后生欽宗崩年二十五諡曰靖和葬永裕陵之次神主祔于別廟改諡曰惠恭後又改曰顯恭

顯肅皇后鄭氏開封人也父紳始爲直省官以后貴累封太師樂平郡王后本欽聖殿押班徽宗爲端王每日朝慈德宮欽聖命鄭王二押班供侍及卽位欽聖以二人賜之王後封貴妃鄆王母也



崇寧初后封賢妃遷貴妃后有異寵徽宗多資以詞章天下歌之王后崩政和元年立爲皇后欽宗卽位尊后爲道君太上皇后居寧德宮靖康元年金人破京師后從徽宗北遷云

顯仁皇后韋氏開封人也生太上皇帝徽宗肖沙莫后從北遷太上皇帝在御尊爲皇太后紹興十二年驟駕遄歸其後事具曰歷明達皇后劉氏贈太尉彥清女也入宮爲御侍遷才人進美人又遷婉儀進位淑妃德妃冊拜貴妃政和三年薨年二十七徽宗欲踵溫成故事遂追冊爲皇后諡曰明達陪葬惠恭皇后園

明節皇后劉氏本酒家保女也父宗元以女貴爲興寧軍節度使始入宮爲小殿直都知係昭懷殿僖被顧遇後以事囚於宦者何訴家內侍楊戩奏取歸復得入宮明達薨以同姓之故使承明達閔焉由才人爲婕妤累遷賢妃又爲淑妃進位貴妃后穎悟能迎

東都事畧

卷十四

六

掃葉山房

旨合意又善裝飾衣冠塗澤一新世爭效之道士林靈素以左道得幸謂上爲長生帝君謂妃爲九華玉真安妃每神霄降必別置安妃位圖畫肖妃象謂每祀妃妃方酣寢而覺有酒色始妃囚何訴家訴遇妃不禮焉及得志遂陷訴以罪未幾妃薨年三十三時宣和三年也追冊爲皇后諡曰明節與明達並園立祠

欽宗皇后朱氏開封祥符人也父伯材武泰軍節度使欽宗爲皇太子冊爲妃及卽位爲皇后靖康之禍欽宗幸金營邀駕以行后亦北徙云

臣每曰古有攝主而秦漢以來則以母后攝國朝稱制者五章獻擁幼君政由房闈而保祐勤勞之恩爲大慈聖宣仁德及天下欽聖昭慈功在社稷而宣仁致治之懿比迹永昭其來有自矣於虛母后攝政之賢自秦漢迄今未有加于我宋者也真社稷生靈之



福哉

東都事畧卷第十四終

卷十四

七

掃葉山房

東都事畧卷第十五

世家三

烏乎論封建者何其紛紛哉世徒見春秋齊晉之疆漢室吳楚之亂遂一切歸咎於三代之長制是大不然周建親賢漢王同姓以蕃王室故詩所稱懷德惟寧宗子維城者封建之謂也周享過歷之期而漢載祀四百茲非其效與周德雖衰齊晉尙能翼王室以尊天子豈不以封建之利也哉若夫吳楚之所以亂者乃在於封國過制以成尾大不掉之執爾非封建之罪也本朝大道之行與天下爲公故宗親無茅土之胙至熙寧中以宣祖太祖太宗之子擇其後一人世世封公雖有世襲之爵而皆聚之京師維城之固果安在哉天下治雖不封建可也天下有變則封建有可恃之理是以靖康之難天族亡尺寸之柄而亦安有所謂召穆公者糾合

東都事畧

卷十五

掃葉山房

宗族于成周是可歎也由是觀之封建宗親以屏蔽天下誠有國者之當務也哉

宣祖五子長曹王光濟次太祖皇帝次太宗皇帝次魏王廷美次岐王光贊

曹王光濟早亡宋興追封邕王徽宗卽位改封曹王

魏王廷美字文化本名光美宋興授嘉州防禦使遷山南西道節度使加同平章事徙鎮永興太宗卽位加中書令開封尹封齊王進封秦王太宗北征命廷美留守京師太平興國七年出爲西京留守坐與宰相盧多遜交通降涪陵縣公房州安置廷美憂悸成疾九年卒年三十八太宗聞之流涕詔曰涪陵公廷美朕之同氣也宜追封涪王諡曰悼真宗卽位追復故官爵廷美十子德恭衡州防禦使贈高密郡王德隆左武衛大將軍贈平陽郡王德彝保



信軍留後贈潁川郡王諡曰安簡德雍天平軍留後贈廣陵郡王  
諡曰康簡德鈞右監門衛大將軍德欽德潤俱右羽林將軍德文  
忠武軍節度使同平章事封東平郡王贈申王諡曰恭裕德惠左  
武衛將軍德存左羽林將軍德文子承顯以王後封康國公官至  
昭化軍節度使贈樂平郡王本朝故事皇族本宮之長封國公物  
故則以次授封德文以慶歷四年薨承簡封徐國公承簡德鈞子  
也於屬爲長得封官至保慶軍留後贈安定郡王諡曰和懿承簡  
薨德雍子承亮封昌國公神宗卽位拜感德軍節度使改封榮熙  
寧二年詔宣祖太祖太宗之子皆擇其後一人爲宗世世封公以  
奉祭祀不以服屬盡故殺其恩禮至三年太常禮院言本朝近制  
諸王之後皆用本官最長一人封公繼襲去年詔祖宗之子皆擇  
其後一人爲宗世世封公卽與舊制有異謹按禮文諸王公侯伯

東都事畧

卷十五

一

攝裝出房

子男皆子孫承嫡者傳襲若無嫡子及有罪疾立嫡孫無嫡孫以  
次立嫡子同母弟無母弟立庶子無庶子立嫡孫同母弟無同母  
弟立庶孫曾孫以下準此合依禮令傳嫡承襲詔曰可改封榮國  
公承亮爲秦國公宗肅曾國公宗達蔡國公宗惠魏國公宗保燕  
國公仲郃陳國公世程越國公而禮官言昭成太子陳王蔡王無  
後而宗保宗達仲郃以旁親出繼自應典禮太祖之子越王德昭  
當立庶長孫世程太宗之子魏王元佐當立嫡孫同母弟宗惠魯  
王元份當立嫡孫宗肅韓王元偁當立嫡孫宗績吳王元儼當立  
庶長孫宗綽同判太常寺陳薦以秦王宜以庶曾孫克繼嗣楚王  
宜以庶曾孫世逸嗣知禮院韓忠彥等以秦王宜以庶長孫承亮  
嗣楚王宜以庶長孫從式嗣詔秦王楚王後如忠彥議故承亮以  
下得立而宗績宗綽以喪故後封從式已封郡王後嗣令依今所



定於是宗室克繼等言封秦王之後不當詔兩制議翰林學士承旨王珪與范鎮司馬光等言臣等看詳秦王楚王魏王自有正統而承亮從式宗惠皆旁支今追議當爲後之人豈可捨正統而取旁支也案秦王薨嫡子德恭當立德恭卒嫡子承慶當立承慶卒無嫡子有庶子五人長曰克晤先卒無子次曰克繼當立楚王薨長子惟敘卒嫡子從煦當立從煦卒無嫡子有庶子世逸一人當立魏王薨嫡子宗魯當立宗魯卒嫡長子仲翹先卒無子次母弟仲髦亦先卒次母弟仲蒼當立秦王楚王後宜如薦議魏王後當以仲蒼嗣事下中書中書言越王無嫡子嫡孫無嫡子同母弟無庶子無嫡孫同母弟無庶孫宜以庶長孫世清嗣魏王無嫡子無庶子宜以庶長孫宗立嗣世程宗惠不應封遂以宗立封魏國公世清封越國公四年封宗績韓國公宗絳吳國公承亮薨贈樂平

東都事畧

卷十五

三

掃葉山房

郡王諡曰恭靜子克愉嗣克愉卒子叔牙嗣徽宗卽位秦王改封魏王

岐王光贊幼亡宋興追封夔王徽宗封岐王

太祖四子長滕王德秀次吳王德昭次舒王德林次秦王德芳滕王德秀早亡徽宗卽位追賜名封滕王

吳王德昭字日新母皇后賀氏乾德二年出閣爲貴州防禦使故事帝子出閣當封王太祖謙抑止以列辟處之開寶六年授山南西道節度使同平章事終太祖之世竟不封以王爵太宗卽位改鎮永興兼侍中始封武功郡王太平興國四年暴薨年二十九贈中書令追封魏王諡曰懿德昭謹重寡言左右未嘗見其喜愠之色喜讀書不好犬馬之玩後贈太師治平元年改封越王子惟正建寧軍節度使贈同安郡王諡曰僖靖惟吉感德軍節度使同平



章事贈南陽郡王諡曰康孝追封冀王惟固昌州團練使惟忠武  
勝軍留後惟和右千牛衛將軍惟吉子守節彰化軍留後同知宗  
正寺贈丹陽郡王諡曰僖穆子世永封邢國公官至鎮南軍留後  
贈南康郡王諡曰修孝慶歷四年封十王之後以惟忠子從靄封  
穎國公而惟吉子守巽以冀王後惟最長與從靄同封穎國公守  
巽官至和州觀察使從靄官至齊州防禦使守巽從靄卒以惟固  
子從信封榮國公官至雄州防禦使從信卒以惟固之孫從恪子  
世規封崇國公世規官至右龍武大將軍沂州防禦使以卒守巽  
之子世清封申國公至熙寧三年襲封越國公後封會稽郡王會  
四后升耐受命告廟世清屬疾家人請以疾辭世清曰辭君命不  
忠廢廟祀不孝力疾就事世清官至保信軍留後贈號王諡曰恭  
安

東都事略

卷十五

四

掃葉出房

舒王德林早亡徽宗卽位追賜名封舒王

秦王德芳開寶九年出閤爲貴州防禦使太宗卽位拜山南西道  
節度使同平章事薨年二十三贈申書令追封岐王諡曰康惠後  
贈太師改封楚王子惟敘左千牛衛大將軍贈高平郡王惟憲資  
州團練使惟能右羽林將軍慶歷中以惟敘子從煦封安國公終  
左金吾衛大將軍歸州團練使從煦卒以惟能子從古封安國公  
終延州觀察使諡曰惠恪從古卒從式封舒國公從式惟憲子也  
神宗卽位講創業垂統實自太祖顧無以稱乃下詔曰昔我藝祖  
之興肇造區夏大謨偉烈被諸萬世朕奉承聖緒夙夜不敢康乃  
顧後之子孫而有未議封爵之典豈朕所以繼大統尊親親之意  
哉且積厚者流必遠施大者報必豐其令中書門下攷大宗之藉  
以屬近而行尊者一人裂土地而王之使常從獻于郊廟也世世

勿以稱朕尊祖報本之志焉時熙寧二年八月也於是有所  
推擇以從式應詔封安定郡王從式終保康軍節度使贈樂王諡  
曰安僖從式旣薨乃封越王之孫世準爲安定郡王世準從靈子  
也爲人內恕外嚴無綺羅金玉之好旣封凡天子祀郊廟必從祀  
如詔旨世準官至保靜軍節度使薨贈成王世開嗣世開從誨子  
惟和孫也官至奉國軍留後薨諡曰獻敏世雄嗣世雄亦從誨子  
也秀整莊重以詩書教子孫貯書萬卷名其堂曰樂善世雄官至  
崇信軍節度使薨贈淄王諡曰恭惠世福嗣官至集慶軍節度使  
薨贈儀王令盞祠越王之後世清薨子令廓襲封越國公楚王之  
後從式薨子世恩襲封楚國公徽宗立改封越王爲吳王楚王爲  
秦王

太宗九子長漢王元佐次昭成太子元僖次真宗皇帝次商王元

東都事畧

卷十五

五

掃葉山房

份次越王元傑次鎮王元偃次楚王元偁次周王元儼次崇王元

意

漢王元佐字惟吉初名德崇母元德皇后李氏太平興國五年出  
居內東門別第明年拜同平章事封衛王又明年進封楚王更今  
名初秦王廷美得罪元佐獨申救之由是失愛及廷美死元佐遂  
感心疾雍熙二年元佐疾小愈重陽召諸王宴而元佐以疾新起  
不與元佐曰諸王與宴而不與是棄我也遂發憤中夜閉媵妾  
縱火焚宮太宗怒廢爲庶人寘于南宮真宗卽位爲左金吾衛上  
將軍復封楚王真宗東封拜太傅西祀拜太尉中書令又遷太師  
加尚書令授天策上將軍賜劍履上殿詔書不名仁宗卽位以元  
佐伯父之尊恩禮甚厚薨年六十三追封齊王諡曰恭憲改潞王  
治平元年進封魏王子允升安國軍節度使贈平陽郡王諡曰懿



恭允言黃州刺史允成濮州防禦使允升子宗旦崇信軍節度使開府儀同三司華陰郡王贈滕王諡曰恭孝仁宗封王後以允言子宗說恭憲王長孫封祁國公皇祐中坐亂其子婦除名又坐坑殺女僕於宗室外宅鎖閉卒熙寧三年以宗惠襲封魏國公宗惠允升子中書以宗惠不應封而以允言子宗立襲宗惠官至武昌軍留後江夏郡王贈鄒王宗立官至武寧軍留後贈南康郡王子仲來襲封官至金州刺史子不儻嗣徽宗立改封魏王爲漢王不儻卒子彥清乞襲父爵奉漢王祀詔以彥清襲父爵

昭成太子元僖初名德明太平興國七年出閣授同平章事封廣平郡王八年進封陳王改名元佑詔班在宰相下雍熙二年爲開封尹加兼侍中改今名太宗以契丹犯邊將大舉遣使往河北諸州科鄉民爲兵元僖論其不便時趙普亦言其事太宗納之普爲

東都事畧

卷十五

十六

補英山房

朋邪所疾元僖上表言普開國忠臣也願復以爲相太宗從之進封許王加中書令薨年二十七無子太宗哭之慟贈皇太子諡曰恭孝改諡昭成當仁宗之世以允成子宗達出後昭成太子爲孫熙寧三年封燕國公以奉其祀宗達卒贈新平郡王諡曰恭靖子仲恕襲封官至忠州團練使諡曰純僖子圭孟嗣

商王元份初名德嚴太平興國八年出閣改名元俊拜同平章事封冀王又改今名加兼侍中威武軍節度使進封越王淳化中兼領建寧軍改鎮寧海鎮東真宗卽位加中書令徙鎮永興鳳翔改雍王永熙復土爲山陵使拜太傅真宗北征爲東京留守會得疾薨年三十七贈太師尚書令鄆王改陳王又改潤王治平中封魯王元份寬厚言動有禮子允寧寧武軍節度使贈信安郡王次允中右屯衛將軍次則濮王也別傳濮王薨以允寧子宗諤封魏國



公至黑亭三年以宗肅長封魯國公宗肅亦允寧子也終安化軍  
留後子仲先嗣徽宗改封魯王爲商王政和三年詔曰宗室諸王  
追封大國其世襲子孫尚仍舊國甚未稱正名之意如魯王改封  
商王其子尚襲魯國之類其令大宗正司改正制以寧遠軍節度  
使魯國公仲先改封商國公

越王元傑字明哲初名德和太平興國八年出閣改名拜同平章  
事封益王端拱初加侍中爲劍南西川節度使淳化中徙封吳鎮  
淮南鎮江元傑嘗作假山旣成召僚屬置酒共觀之翊善姚坦正  
直之士也獨頰首不視元傑強使視之坦曰坦見血山安得假山  
元傑問其故坦曰坦在田舍時見州縣督稅上下相剝急里胥臨  
門捕人父子兄弟送縣鞭笞流血滿身愁苦不聊生此假山皆民  
租賦所出非血山而何是時太宗亦爲假山未成或以坦言聞太  
東都事畧

卷十五

七

掃葉山房

宗曰傷民如此何用山爲亟命毀之元傑有過失坦必盡言規正  
左右教元傑詐疾太宗憂之召元傑乳母入宮問疾增損狀乳母  
曰王本無疾以翊善檢束王起居故不樂成疾耳太宗怒曰吾選  
端士爲王僚屬者固欲輔王爲善今王詐疾欲使朕去正人邪且  
王年少未知出此必爾輩爲之因命杖之數十召坦慰安之至道  
二年移鎮淮南忠正真宗卽位授中書令徙鎮武寧泰寧封堯王  
加太保堯年三十三贈太尉尚書令追封安王諡曰元惠元傑力  
學樂善後改封邢王治平中追封陳王元傑無子仁宗以魏王之  
孫仲郃爲之後熙寧二年嗣封陳國公官至陳州觀察使諡曰良  
僖子士開嗣徽宗改封陳王爲越王

鎮王元偃字希道端拱元年出閣封徐國公至道二年拜鎮南軍  
節度使真宗卽位加同平章事封彭城郡王改鎮靜難彰化進封



寧王改王相累拜太尉兼尚書令天禧元年改兼中書令歷鎮護國成德安國鎮寧封徐王薨年四十二贈太師尚書令鄧王諡曰恭懿元僣姿表偉異厚重寡言曉音律後改封密王又改王蘇治平中追封韓王子允弼少與仁宗並席仁宗爲皇太子除英州刺史仁宗朝官至侍中武寧軍節度使判大宗正寺北海郡王英宗朝拜中書令徙王東平神宗卽位拜太保鳳翔雄武軍節度使薨贈太師尚書令兼中書令相王以允弼子宗績襲恭懿王封爲韓國公卒贈南康郡王諡曰良孝宗績弟宗景官至彰信軍節度使濟陰郡王薨贈循王諡曰思宗績旣卒子仲磨嗣徽宗改封韓王爲鎮王靖康元年仲磨自平川軍節度使徙鎮劍南西川

楚王元偁字令問淳化三年出閤除武昌軍節度使真宗卽位加同平章事封安定郡王景德中遷宣德保寧軍節度使進爵舒王

東都事略

卷十五

八

掃葉山房

真宗東封進兼侍中移平江鎮江軍從祀汾陰加兼中書令徙鎮鎮南寧國拜太保薨年三十四贈太尉尚書令曹王諡曰恭惠元偁好學善屬文奉佛甚謹改贈華王治平中封蔡王子允則至右千牛衛將軍先是諸王子授官卽爲諸衛將軍餘以父官及族屬親疎差等天禧元年令宗正卿趙安仁參議定制安仁請以宣祖太祖太宗孫初蔭授將軍曾孫授右侍禁元孫授右班殿直內父爵高者聽從高蔭其事緣特旨者不以爲例詔中書門下樞密院參定行之允則無子以平陽懿恭王允升之子宗達爲後熙寧三年襲封蔡國公以奉其祀宗達卒子仲湯嗣徽宗改封蔡王爲楚

王

周元儼生而穎悟太宗尤所鍾愛而不欲早令出宮每朝會宴策必侍左右期以年二十始得出就外傳真宗卽位封曹國公明



年爲平海軍節度使逾年拜同平章事景德初封廣陵郡王真宗封泰山改鎮昭德等軍進爵榮王祀汾陰加兼侍中徙鎮安靜武信祀太清宮加中書令坐侍婢縱火延燔禁中奪武信節降封端王尋拜鎮海安化軍節度使封彭王累拜太傅歷鎮橫海永清保平定國封通王改涇王仁宗卽位拜太尉尚書令兼中書令徙鎮安忠武軍節度使封定王賜贊拜不名又賜詔書不名天聖七年徙封鎮明年賜劍履上殿明道初拜太師換河陽三城節度使改封孟又改鎮永興鳳翔進封荆王景祐二年改荆南淮南節度大使仍賜入朝不趨元儼廣顙豐顙資嚴重凜凜不可犯名聞外夷契丹尤畏其名事母孝嚴幼好學喜聚書善爲文又善二王書法及飛白性謹約寡嗜欲天聖以來太宗諸子獨元儼在仁宗尊寵甚異元儼不敢數入闔門不接人事好坐木馬子坐則不下或

東都事畧

卷十五

九

持業山房

饑則便就其上飲食往往乘輿奏樂於前酣飲終日其疾亟時仁宗親爲調藥屏人與語久之所對多忠言薨年六十贈天策上將軍追封燕王諡曰恭肅治平中改封吳王有子十三人允良允迪允初餘皆早死允良泰寧軍節度使襄陽郡王允良好耐寢以晝爲夜由是一宮之人皆晝睡夕興然性寬裕不甚喜聲色亦不爲他驕恣未嘗詰責左右薨贈定王有司以允良起居無度反易晦明諡曰易允迪居父喪哭不哀又嘗官中爲優戲制曰安靜軍節度使允迪五刑之屬三千其罪莫大於不孝小民無知犯者猶鮮況爾燕恭肅王之子而朕之諸弟也宜率訓義以迪四方而乃在苴麻泣哭之哀爲酣飲流醕之佚肆情鄙行害子而家而達於朕聞嗟怨無已朕苟貸法何以處王公之上而教天下哉宜歸爵秩下領屯衛蓋寬於馭過而欲循省其罪無蹈後悔也可責授右監



門衛大將軍久之遷密州觀察使復鎮安靜卒贈永嘉郡王諡曰  
思恪允初寧國軍節度使贈博平郡王諡曰安泰熙寧中以允良  
子宗絳嗣封吳國公徽宗改封吳王爲周王

崇王元億早亡追賜名封代國公治平中封安定郡王徽宗卽位  
賜崇王


東都事畧卷第十五終

東都事畧

卷十五

十

掃葉山房



徽宗王

崇王元億早亡追賜名封代國公治平中封安定郡王徽宗卽位

子宗絳嗣封吳國公徽宗改封吳王爲周王

熙寧中以允良子宗絳嗣封吳國公徽宗改封吳王爲周王

門衛大將軍久之遷密州觀察使復鎮安靜卒贈永嘉郡王諡曰

真宗六子長温王禔次周王祐次昌王祗次信王祉次欽王祁次  
仁宗皇帝

温王禔早薨徽宗卽位追賜名贈温王

周王祐字慶長母曰章穆皇后咸平中封信國公生九年而薨追

封周王諡曰悼

昌王祗早薨徽宗追賜名贈昌王

信王祉早薨徽宗追賜名贈信王

欽王祁早薨徽宗追賜名贈欽王

仁宗三子長楊王昉次雍王昕次荆王曦

楊王昉生未逾月而薨追封褒王賜名昉諡曰懷靖後封魏王治

東都事畧

卷十六

掃葉山房

平中封周王徽宗卽位贈楊王

雍王昕封壽國公生三年而薨追封豫王諡曰悼穆改封魏王治

平中封唐王徽宗贈雍王

荆王曦慶曆三年生生三年封鄂王賜名曦未及宣制而薨諡曰

悼穆改封陳治平中封燕王徽宗贈荆王

濮王諱允讓字益之恭靖商王元份之子也爲人天姿渾厚外莊

而內寬左右親近未嘗見其有喜愠之色始爲右千牛衛將軍商

王薨真宗以絲車旌節迎養于禁中至仁宗生用簫韶部樂送還

邸真宗時官衛州刺史仁宗卽位授汝州防禦使累拜寧江軍節

度使仁宗建睦親宅乃命知大宗正寺宗子有好學禮義則褒勉

委曲進之於善若不率教始勸諭之又糾戒之至不悛則正其罪

而上聞故人人莫不畏愛而心服之慶歷四年封汝南郡王拜回



平章事改判大宗正寺嘉祐四年薨年六十贈太尉中書令封濮  
王諡曰安懿仁宗在位既久無子乃以王第十三子爲皇子仁宗  
崩皇子卽位是爲英宗治平元年宰相韓琦等奏以濮安懿王德  
盛位隆宜有尊禮請下有司議濮安懿王及譙國夫人王氏襄國  
夫人韓氏仙遊縣君任氏合行典禮詔須大祥後議之至二年乃  
詔禮官與待制以上議翰林學士王珪等奏曰謹按儀禮喪服爲  
人後者傳曰何以三年也受重者必以前服服之爲所後者祖父  
母妻之父母昆弟之子若子者皆如親子也又爲人後者爲其父  
母傳曰何以期不二斬特重於大宗降其小宗也爲人後者爲其  
昆弟傳曰何以大功也爲人後者降其昆弟先王制禮尊無二上  
若慕愛之心分於彼則不得專於此故也是以秦漢以來帝王有  
自旁支入承統者或推尊其父母以爲帝后皆見非當時取譏後

東都事畧

卷十六

十一

掃葉山房

世臣等不敢引以爲聖朝法況前代入繼者多宮車晏駕之後援  
立之策或出臣下非如仁宗皇帝年齡未衰深惟宗廟之重祇承  
天地之意於宗室衆多之中簡推聖明授以大業陛下親爲先帝  
之子然後繼體承祧光有天下濮安懿王雖於陛下有天性之親  
顧復之恩然陛下所以負宸端冕富有四海子子孫孫萬世相承  
皆先帝德也臣等竊以爲濮王宜準先朝封贈期親尊屬故事尊  
以高官大國譙國襄國仙遊亦封太夫人攷之古今爲宜稱於是  
中書奏王珪等所議未見詳定濮王當稱何親名與不名珪等議  
濮王於仁宗爲兄於皇帝宜稱皇伯而不名如楚王涇王故事中  
書又奏儀禮令及五服年月敕出繼之子於 所生皆稱父母  
又漢宣帝光武皆稱父爲皇考今珪等議稱濮王爲皇伯於典禮  
未有明據請下尚書省集三省御史臺議奏方議而皇太后手詔



詰責執政於是手詔云聞集議不一宜權罷議當令有司博求典故以聞禮官范鎮等又奏漢之稱皇考稱帝稱皇立寢廟序昭穆皆非陛下聖明之所法宜如前議爲便自是御史呂誨等彈奏歐陽修首建邪議韓琦曾公亮趙鼎附會不正之罪固請如王珪等議既而內出皇太后手詔曰吾聞羣臣議請皇帝封崇濮安懿王至今未見施行吾載閱前史乃知自有故事濮安懿王譙國夫人王氏襄國夫人韓氏仙游縣君任氏可令皇帝稱親濮安懿王稱皇王氏韓氏任氏並稱后事方施行而英宗卽曰手詔曰稱親之禮謹遵慈訓追崇之典豈易克當且欲以塋爲園卽園立廟俾王子孫主奉祠事翌日誨等以所論列彈奏不見聽用繳納御史救告家居待罪誨等所列大氏以爲前詔稱權罷集議後詔又稱且欲以塋爲園卽追崇之意未已英宗命閣門以告還之誨等力辭

東都事畧

卷十一

三

補葉昌府儀

臺職誨等旣出而濮議亦寢至神宗元豐二年詔以濮安懿王三夫人可並稱曰王夫人云濮王長子宗懿當英宗時爲宿州團練使封和國公次子宗樸爲隴州防禦使封岐國公宗懿卒神宗以宗懿濮安懿王元子追封舒王宗樸與英宗相友愛初詔英宗入居慶寧宮固辭不卽赴宗樸帥近屬敦勸乃入治平中建濮王園廟宗樸遂拜彰德軍節度使濮國公以奉王後神宗卽位加同平章事兼侍中封濮陽郡王薨贈定王弟宗誼襲濮國公官至昭化軍節度使同平章事贈廣陵郡王宗誼旣薨宗暉襲封濮國公自邕州觀察使拜淮康軍節度使元豐中濮王三夫人改祔濮王園卽位徙鎮鎮南薨贈懷王諡曰榮穆以宗晟嗣官至武安軍節度使贈昌王諡曰端孝宗晟薨宗愈嗣官至鎮南軍節度使開府儀



同三司贈襄王宗愈薨宗緯嗣官至河陽三城節度使開府儀同三司贈梁王諡曰孝端宗緯薨宗楚嗣官至武昌軍節度使贈惠王諡曰僖節宗楚薨宗祐嗣官至清海軍節度使贈欽王宗祐薨宗漢嗣官至奉寧軍節度使開府儀同三司贈景王宗漢薨仲增嗣仲增濮王孫於屬爲長故封官至彰德軍節度使開府儀同三司贈簡王仲增薨仲御嗣官至奉寧軍節度使開府儀同三司贈郇王諡曰康王仲御薨仲爰嗣官至武定軍節度使開府儀同三司判大宗正寺贈恭王仲爰薨仲理嗣靖康初爲武安軍節度使開府儀同三司

臣僂曰禮大宗無子而以小宗爲後聖人許之英宗旣以父仁宗矣若濮王又稱親則是二統也父子之道天性也君臣之義也藉使濮王極其尊崇則於君臣之義得爲安平當時大臣違禮廢義臺臣焉得不以死爭之英宗容受盡言寢而不識而使後世無可指之瑕聖矣夫

東都事畧

卷十七

四

栢葉山房

英宗四子長神宗皇帝次吳王顥次潤王顏次益王頽

吳王顥字仲明母曰宣仁聖烈皇后始名仲糾授率府副率英宗

卽位遷至明州觀察使封祔國公賜今名拜保寧軍節度使同平

章事東陽郡王治平三年出閣居東宮神宗卽位拜武昌武安軍

節度使封昌王易泰寧鎮海軍改王岐官制行開拜司空徙王雍

哲宗嗣位拜太保換成德橫海二鎮徙封揚王用周漢故事賜贊

拜不名五日一朝見於禁中神宗祔廟拜太傅移鎮京兆鳳翔元

祐初與荆王頽遷外第名曰親賢宅拜太尉諸子自勝衣以上皆

命進官制曰先皇帝篤兄弟之好以恩勝義不許二叔出居丁外

蓋武王待周召之意太皇太后嚴朝廷之禮以義制恩始從其請

出就外宅得孔子遠其子之意二聖不同同歸于道可以爲萬世法朕承侍兩宮按行新第顧瞻懷思潛然出涕昔漢明帝問東平王在家何以爲樂王言爲善最樂帝大其言因送列侯印十九枚諸子年五歲以上悉佩之著之簡策天下不以爲私今王諸子性于忠孝漸于禮義自勝衣以上頎然皆有成人之風朕甚嘉之其各進一官以助其爲善之樂尚勉之哉母忝乃父祖以爲邦家光徒封徐王詔書不名宣仁禰廟拜太師徙王冀賜入朝不趨改淮南荆南節度使徙封楚初宣仁不豫顥曰問起居因以被疾至是薨年四十七哲宗哭之慟成服苑中贈尚書令兼中書令諡曰樂顯懿之五日以月朔應視朝于文德殿哲宗以顥未成服改視垂拱云顥通經史工飛白善鼓琴神宗臨御久友愛彌篤哲宗尊禮尤隆旣薨葬于永厚陵之北徽宗卽位追封吳王子孝爲靖康初爲定武軍節度使晉康郡王孝錫終嘉州防禦使贈永國公

東都事畧

卷十六

五

新葉山房

潤王顏早薨徽宗追賜名贈潤王

益王頴初賜名仲恪爲率府副率英宗時賜今名遷至耀州觀察使神宗卽位拜同平章事領武勝軍節度使樂安郡王熙寧四年出閣拜保信保鎮軍節度使封嘉王元豐三年拜司空徙王曹哲宗卽位拜太保改鎮武昌武安進爵荆王賜贊拜不名五日一朝禁中哲宗致恭如家人禮神宗耐廟拜太傅徙武寧鎮海元祐元年始居外第拜太尉改鎮成德荆南薨年三十三贈太師尚書令魏王諡曰端獻徽宗改封益王頴端重明粹博通羣書有智識好釋氏亦好方書數捐藥以救病者其仁厚蓋天稟云子孝哲邢州觀察使贈廣陵郡王孝怡終保寧軍節度使孝參靖康時爲武勝軍節度使豫章郡王孝奕終彰化軍留後贈平原郡王孝騰靖康



時爲武寧軍節度使孝忱奉寧軍節度使孝頴順昌軍節度使孝  
愿靖難軍節度使

東都事畧卷第十六終

東都事畧

卷十六

六

掃葉山房

東都事畧卷第十七

世家五

神宗十四子長成王侑次惠王僅次唐王俊次褒王伸次冀王儻次哲宗皇帝次豫王价次徐王侗次吳王佖次儀王偉次徽宗皇帝次燕王俛次楚王似次越王偲

成王侑早薨徽宗卽位追賜名贈成王

惠王僅早薨徽宗追賜名贈惠王

唐王俊熙寧七年封永國公十年薨贈僉王徽宗封唐王

褒王伸早薨徽宗追賜名贈褒王

冀王儻熙寧八年封景國公是歲薨徽宗贈冀王

豫王价熙寧十年封建國公元豐元年薨贈衛王徽宗封豫王

徐王侗早薨贈鄆王謚曰冲惠徽宗封徐王

東都事畧

卷十七

掃葉山房

吳王佖元豐間封儀國公哲宗卽位封大寧郡王紹聖二年出閣

拜鎮安武勝軍節度使封申王元符二年加司空徙鎮保平秦寧

哲宗崩欽聖后議所立以佖有目疾不得立乃立端王是爲徽宗

加太傅移鎮永興成德徙王陳賜贊拜不名加太尉荆南淮南節

度使拜太師徙鎮河東山南西道薨贈尚書令兼中書令燕王又

加贈侍中吳王元祐武信軍節度使和義郡王有常寧遠軍節

度使

儀王偉早薨徽宗

名贈儀王

燕王俛元豐間封大寧郡王元符元年出閣

拜河陽三城雄武軍節度使封莘王加司空移鎮武寧鎮寧徽宗

卽位加太保徙鎮河東奉寧封衛王又徙鎮護國山南西道又改

鎮海秦寧大觀元年詔曰衛王定王朕之愛弟也其改封魏王定



王亦徙王鄧拜太尉丞與成德軍節度使進爵燕王遷太傅欽宗  
卽位詔曰燕王越王神祖之子道君之弟而朕之諸父也其賜入  
朝不趨贊拜不名授太師河東劍南西川節度使二帝北狩宗族  
盡徙云

楚王似元豐開封和國公哲宗卽位封普寧郡王元符元年出閣  
拜橫海鎮海軍節度使封簡王哲宗崩宰相章惇以似哲宗同母  
弟當立欽聖后不可乃立徽宗進司徒改鎮武昌武寧徙封蔡拜  
太保移鎮保平鎮安又改鳳翔雄武以書史語言指斥送大理寺  
驗治似上表待罪於是左司諫江公望上疏曰臣聞天下之理有  
隙則物皆可入故聖人望隙於未開之前有迹則瑕皆可指故聖  
人泯迹於未形之際物可入則親者離矣瑕有指則疑者實矣其  
可不察邪臣聞蔡王府史相告有不順之語浸淫恐及蔡王有司  
東都事畧 卷十七 一 掃葉山房

已行根治臣聞之駭汗浹背驚悸不自持豈有孝治之本太平之  
時乃容小人銜私怨逞不軌離閒陛下骨肉之親者乎象之於舜  
焚廩浚井其逆心已萌矣擁二女坐牀鼓琴其逆謀已成矣舜未  
嘗藏怒宿怨卒封之有庫而富貴之也至魏文帝褊忿疑忌一陳  
思王且不能相容致有煮豆然其之說相煎太急之語爲天下後  
世笑豈不思兄弟人之大倫也有手足相捍之親有首尾相應之  
義有埏埴之和有骨肉之樂故孔子以不閒於父母兄弟之言爲  
孝蓋親隙不可開也則言可離貳疑迹不可顯迹顯則事難磨  
滅陛下之得天下也嘗簾前持異議已有隙迹矣蔡王出於無  
心年尚幼少未達禮之萌故恬不以爲卹陛下一切包容已開  
之隙復塗矣已顯之迹復泯矣恩意渥霽歡然不失兄弟之情與  
夫區區未能忘天下以自狹者不啻相十百矣陛下若以曖昧

無根之語而加諸至親骨肉之間則有魏文相前太急之隙而忘  
大舜親親之道豈治世之美事也臣願陛下密詔有司凡無根之  
言勿形案牘筆楚之下何求弗得一有浸淫旁及蔡王之語不識  
陛下將如何處之儻形案牘有瑕可指一入曾次終身不怠雖父  
子之間尚未能磨滅況兄弟乎迹不可泯隙不可塗則骨肉離矣  
陛下將何道以治天下也蔡王萬一蒙犯霧露之疾神考在天之  
靈豈不知之陛下將何顏見神考於太廟乎書曰克明俊德以親  
九族九族既睦平章百姓詩曰刑于寡妻至于兄弟以御于家邦  
故至德要道足以風動天下未有不自親始者也疏入公望罷知  
淮陽軍徽宗雖黜公望頗思其言止治其左右崇寧中徙鎮荆南  
武寧薨贈太師尚書令兼中書令韓王改封楚王子有恭定國軍  
節度使永寧郡王

東都事畧

卷十七

三

栢葉山房

越王偲元祐初封祁國公元符元年封永寧郡王出閣以爲鎮安  
集慶軍節度使封陸王徽宗卽位拜司徒移鎮清海鎮海封定王  
又徙鎮武寧武勝改鎮淮南永興進封邵王拜太尉鳳翔山南西  
道節度使改封越王遷太傅欽宗卽位授太師永興成德軍節度  
使金人圍京師欲以越王爲質欽宗以越王叔父不可遣乃遣肅  
王及駙馬都尉曹晟以行晟尚榮德帝姬與欽宗同生故遣之偲  
竟從二帝北遷云

哲宗獻愍太子茂母皇后劉氏生一年而薨追賜名贈越王諡曰  
冲獻徽宗卽位贈邵王崇寧二年詔曰朕惟先皇帝在位十有六  
年而皇嗣鄧王降年不永逮朕入繼大統之初雖加贈典而恩意  
未隆非所以慰先帝在天之靈其特追贈皇太子仍改諡曰獻  
愍



徽宗三十一年子長欽宗皇帝次兌王樾次耶王楷次荆王楫次肅  
王樞次景王祀次濟王榘次益王斌次太上皇帝次邠王材次祁  
王模次莘王植次儀王朴次徐王棟次沂王樛次鄆王祺次和王  
次信王榛次漢王椿次安康郡王樞次廣平郡王棖次相國公  
延次陳國公機次瀛國公樾次建安郡王模次嘉國公椅次溫國  
公棟次英國公樾次儀國公桐次昌國公柄次潤國公樞

兌王樾以建中靖國元年九月生一夕而殞追賜名贈兗王諡曰  
沖愷

耶王楷字德遠初名煥崇寧元年封魏國公更今名封高密郡王  
以八寶恩除司空鎮東軍節度使封嘉王遷太保又遷太尉政和  
六年出閣拜太傅武寧保平軍節度使八年令赴殿試有司考爲  
第一改鎮荆南寧江提舉皇城司封耶王徙劍南西川鎮南軍又

東都事畧

卷十七

四

掃葉山房

徙河東寧海靖康元年移鎮鳳翔彰武徽宗諸子薨于京師者則  
哀榮終始備見焉餘從二帝北遷皆不知其所終

荆王楫崇寧二年封楚國公三年封南陽郡王改王樂安薨贈荆  
王諡曰悼敏

肅王樞崇寧三年封吳國公大觀二年封建安郡王重和元年出  
閣拜太保保平軍節度使封肅王靖康元年金人圍京師以  
樞北質云

景王杞崇寧三年封冀國公大觀二年封文安郡王重和元年出  
閣拜太保護國武昌軍節度使封景王靖康元年授太傅徙鎮荆  
南鎮東

濟王榘崇寧五年封魯國公大觀二年封安康郡王宣和三年拜  
太保清海軍節度使封濟王靖康元年授太傅徙鎮護國寧海

蓋王械大觀元年封楊國公二年封淮南郡王徙濟陽後以橫海軍節度使封益王

邠王材大觀二年封魏國公薨追封邠王諡曰冲穆

祁王模大觀二年封鎮國公宣和三年封樂安郡王拜武勝典寧軍節度使封祁王靖康元年授太傅改鎮清海慶源

莘王植大觀二年封吳國公宣和四年封信安郡王拜寧江軍節度使封莘王靖康元年授太傅改鎮保平崇信

儀王朴大觀三年封雍國公宣和五年封華原郡王後以靜難軍節度使封儀王

徐王棣大觀三年封徐國公宣和五年封高平郡王拜山南東道節度使封徐王靖康元年授太傅改鎮山南西道武昌軍

沂王撈大觀四年封冀國公宣和六年封河間郡王拜太保劍南東都事署

東川威武軍節度使封沂王靖康元年授太傅改鎮河陽武寧

邠王拱政和元年封定國公二年薨追封邠王諡曰冲懿

和王拭政和元年封廣國公宣和七年封南康郡王靖康元年拜瀛海安化軍節度使封和王

信王榛政和元年封福國公宣和七年封平陽郡王靖康元年拜慶陽昭化軍節度使封信王

漢王椿政和二年封慶國公薨追封漢王

安康郡王握政和二年封衛國公改封鄆靖康元年封安康郡王廣平郡王捷以政和三年封韓國公靖康元年封廣平郡王

相國公樞以政和四年封

陳國公機以政和五年封

瀛國公樞以政和五年封



建安郡王栞政和五年封惠國公宣和七年封建安郡王

嘉國公椅以政和八年封

溫國公棟以宣和元年封

英國公穗以宣和二年封

儀國公桐以宣和三年封

昌國公柄以宣和四年封

潤國公樞以宣和七年封

欽宗皇太子諶母曰皇后朱氏以政和七年生於東宮於徽宗為

嫡長皇孫及應陽各命官而祖宗無故事宰相蔡京與鄭居中共

議封為崇國公王黼奏曰東京以皇子之禮封東宮子則是便以

東宮為人主矣徽宗不悅欽宗卽位以為昭慶軍節度使大寧郡

王徙鎮寧國立為皇太子是歲金人圍京師明年欽宗幸金營以

東都事畧 卷十七 六 掃葉山房

皇太子監國從二帝北徙云

宋王偁撰

掃葉山房校刊

列傳一

范質字文素大名宗城人也母張氏夢人授五色筆而質生九歲善屬文唐長興中舉進士爲忠武軍推官晉天福中懷其文見宰相桑維翰維翰奇之擢監察御史稍遷主客員外郎直史館召入翰林爲學士契丹入寇晉出帝命十五將出征是夕質宿直出帝命諸學士分草制質曰宮城已閉慮泄機事遂獨爲之辭理優贍當時文士皆歎伏周太祖征李守貞每朝廷遣使齎詔處分軍事皆中機會太祖問誰爲此辭使者以質對太祖曰宰相器也太祖起兵入京師遽令草太后詔及議迎湘陰公儀注乃白太后以質爲兵部侍郎樞密副使周廣順初拜中書侍郎同中書門下平章

東都事畧

卷十八

掃葉山房

事集賢殿大學士兼參知樞密院事世宗時累加司徒洪文館大學士恭帝卽位封蕭國公北邊奏太原劉承鈞結契丹入寇乃命我太祖北征爲六師推戴自陳橋入城還府第時質方就食閣中聞太祖入率王溥魏仁浦就府謁見質執溥手曰倉卒遣將吾儕之罪也爪入溥手幾出血溥無語旣見太祖質曰先帝養太尉如子今身未冷奈何太祖性仁厚嗚咽流涕曰吾受世宗厚恩今爲六軍所逼一旦至此將若之何軍校羅彥瓌按劍厲聲向質曰我輩無主今日須得天子太祖叱之不退質知勢不可邊曰事已爾無太倉卒自古帝王有禪位之禮今可行也因具陳之且曰太尉旣以禮受禪則事太后如母養少主如子無負先帝舊恩太祖揮涕許諾然後率百官成禮太祖由此深敬重質太祖旣卽位加兼侍中仍以爲相乾德初封魯國公二年罷爲太子太傅卒年五十



四贈中書平初和凝知貢舉愛賢所試文自以中第在第十三故亦以處質其後質官及封國皆與凝同當時謂之傅衣鉢太宗嘗言近世輔弼循規矩情名器持廉節無與質比者但欠世宗一死爲可惜爾子旻兄子杲

旻字貴參以父任爲千牛備身國初爲度支員外郎知開封縣太宗爲開封尹頗器重之嶺南平知邕州知淮南轉運事太宗時爲三司副使累官給事中判三司坐擅市竹木入官爲王仁贍所發貶房州司戶參軍移唐州以卒年四十六

杲字師回力學有文太宗時由鄧州從事爲直史館歷左拾遺補闕擢知制誥以工部郎中罷知壽州復爲知制誥當遷翰林學士太宗以其躁競不使居內職出爲右諫議大夫知濠州召爲史館修撰至京師而卒年五十六

東都事畧

卷十八

一

掃葉山房

王溥字齊物并州祁人也漢乾祐中舉進士甲科李守貞據河中趙思綰反京兆王景崇亂鳳翔周太祖將兵討三叛以溥爲從事三叛旣平朝士及藩鎮嘗以書往來詞意涉於悖逆者太祖籍其名欲按之溥諫曰魑魅伺夜而出日月旣照則氛沴消矣請焚之以安反側太祖從之太祖將大漸促召學士草制以溥爲中書侍郎同中書門下平章事已宣制太祖曰吾無恨矣世宗嘗問漢相李崧蠟彈書結北虜有記其辭者否溥曰使崧有此肯示人邪蘇逢吉輩陷之爾世宗遂優贈崧官世宗將討秦鳳溥薦向拱遂平之世宗因宴酌卮酒賜之曰成吾邊功卿擇帥之力也恭帝卽位加尚書右僕射國初進位司空乾德二年罷爲太子太保加太子太傅開寶二年遷太子太師太平興國初封祁國公卒年六十一贈侍中諡曰文獻後以溥諡同僖祖改諡文康溥在相位日父祚

以宿州防禦使家居每公卿至必謁祚引觴爲壽侍側坐客不  
敢安席祚曰此豚犬爾不煩諸君起人稱其敬子貽孫貽正貽  
正宮至國子博士貽正之子克明尚太宗女鄭國長公主賜名貽  
永令與父同行

貽孫字象賢顯德中溥在相位以貽孫爲著作郎國初遷金部員  
外郎溥藏書至萬卷貽孫偏覽之太祖嘗問趙普拜禮何以男子  
跪而婦人不跪普訪禮官無知者貽孫曰古詩云長跪問故夫卽  
婦入古亦跪也唐武后時婦人始拜而不跪普問所出對曰唐幽  
州從事張建章著渤海記備言之普歎伏貽孫累遷右司郎中以  
卒

貽永字季長真宗以其故相家也遷尚主除右衛將軍騎馬都尉  
明年主薨貽永累遷右監門衛大將軍蔣州團練使請試郡得知

夷都事

卷十八

二

掃葉山房

單州徙徐州是時河決貽永在隄城南以禦水患詔褒之仁宗卽  
位改衛州團練使知澶州遷懷州防禦使拜耀州觀察使歷彰化  
武定軍留後拜彰德軍節度使知天雄軍改鎮保寧知鄆州自咸  
平中徙城而故治爲通衢密邇梁山泊春夏多病涉貽永相地築  
東西道三十餘里至今人獲其濟徙定州成德軍康定元年擢同  
知樞密院事故副使加宣徽南院使拜樞密使慶歷六年加同平  
章事明年封遂國公加兼侍中改鎮海軍節度使封鄧國公貽永  
以寵祿過盛願解樞柄乃聽罷侍中徙鎮彰德復以疾求去位除  
尚書右僕射兼侍中景靈宮使卒年七十一贈太師中書令諡曰  
康靖貽永性謹約寡言無綺羅聲色之好惟養鴉鵲數十愛玩而  
已

魏仁浦字道濟衛州汲人也少爲刀筆吏隸樞密院周太祖爲樞



使問以卒乘數仁浦對曰帶甲者六萬太祖喜曰天下事不足憂也漢隱帝遣使言太祖仁浦曰公有大功於朝廷握彊兵臨重鎮以讒見疑豈可坐而待死教以易其語云誅將士以激怒心太祖納其言遂長驅度河及卽位以爲樞密承旨世宗時爲樞密副使陞樞密使拜中書侍郎同中書門下平章事集賢殿大學士兼樞密使始議者以仁浦不由科第進世宗曰顧才如何爾遂用之恭帝嗣位加刑部尚書國初進位右僕射乾德初罷開寶二年春夏太祖笑謂仁浦曰何不勸朕酒乎仁浦奉觴上壽太祖密謂之曰朕欲征太原如何仁浦曰欲速不達太祖頷之從征太原至梁侯驛遇疾而卒仁浦性寬厚接士有禮專務以德報怨世宗下急輕殺戮仁浦營救而免者十常七八從出征鋒鏑之下而無一人橫死者有鄭元昭者爲解州刺史仁浦婦翁李溫玉爲權鹽使元

東都事畧

卷十八

四

掃葉山房

昭不得專其利乃誣溫玉之子從李守貞叛捕以告變欲中傷仁浦周太祖爲辨其誣獲免及仁浦大用乃以元昭典五郡又嘗爲賈延徽譖幾遇禍總師出征有得延徽以獻者仁浦曰因兵戈以報怨不忍爲也人稱其長者諡曰宣懿後以子威信尚主追封齊王

威信字國寶國初昭憲皇后嘗至仁浦第見威信奇之開寶中太宗尹京以威信尚永慶公主拜右衛將軍駙馬都尉太平興國初爲吉州防禦使遷觀察使契丹寇以威信知澶州拜彰德軍節度使真宗卽位徙鎮定國武成知曹州改知河陽又知澶州移鎮忠武真宗升宋州爲南京以威信太溫舊臣加同平章事判天雄軍改鎮保平卒年六十九贈中書令威信頗知書亦喜待士然性吝嗇喜規利子昭昞至觀察使

臣僂曰自古治少亂多五代干戈之亂極矣天旣厭亂而思治故  
真主勃興此范質王溥仁浦得以講揖遜之禮遂相藝祖於立國  
之初而天下晏然也烏呼以伊尹之聖太公之賢皆以夏商之舊  
而歸湯文蓋以授受於天者有不庸釋則舍湯文將安歸乎由是  
觀之質等所以歸有德爲無嫌也誠與夫賣國而趨利蒙恥而立  
朝者有間矣



東都事畧卷第十九

列傳二

韓令坤磁州武安人也令坤少隸周太祖帳下世宗卽位爲殿前都虞候高平之戰以功領容州團練使世宗征太原以令坤爲都校以功拜武定軍節度使世宗伐淮甸命令坤等十二將率兵以從冀揚州將吏聞周師至開門以迎之令坤整衆而入市不易肆入甚悅徙鎮鎮安又從世宗北征有功恭帝卽位爲侍衛馬步軍都虞候國初移鎮天平加侍衛親軍都指揮使同平章事太祖親征李筠令坤率兵屯河陽澤潞平以功加兼侍中從討李重進改鎮成德卒年四十六令坤有才畧識治道與太祖同事周情好親密鎮常山凡七年北邊以寧太祖聞其卒甚悼惜之追封南陽郡

王

東都事畧

卷十九

栢葉山房

石守信開封浚儀人也始事周太祖得隸帳下累遷指揮使世宗征河東戰于高平守信以功遷親衛左第一軍都指揮使從征淮南又從征關南俱有戰功自江州防禦使拜義成軍節度使太祖受禪遷侍衛馬步軍副指揮使改鎮歸德李筠反守信與高懷德率前軍被筠衆于長平斬首三千級又與懷德敗其衆三萬于澤州澤潞平以功加同平章事李重進反復命守信討重進兼知揚州行府事太祖親征守信馳奏城中危迫破在斯夕大駕親臨可一鼓而平太祖從之卽日克其城移鎮天平兼侍衛馬步軍都指揮使建隆三年請解軍職太祖許之守信每入朝宴賜甚渥加兼侍中太平興國初加中書令爲河南尹從征幽州坐失律責授崇信軍節度使兼中書令尋封衛國公徙鎮陳州卒年五十七贈尚書令追封武威郡王諡曰武烈子保興保吉

保興字光裔本名保正太祖爲改之以蔭補供奉官稍遷至團練使雍熙初契丹寇邊保興爲澶州前軍駐泊徙銀夏綏府都巡檢常巡察罨子砦並黑水河越谷中戎人數千騎度河邀戰保興伏兵于河澌俟其半渡急擊之其後數與戎人戰有功積官至棣州防禦使卒年五十八子元孫

保吉字祐之尚太祖女延慶公主拜左衛將軍駙馬都尉領愛州刺史以軍功擢至朔州觀察使守信卒起復爲威塞軍節度使知河陽大名府改橫海安國二鎮真宗卽位徙鎮保平景德初又徙武寧加同平章事契丹入寇真宗將幸瀕淵先遣保吉與李繼隆爲排陣使對壘以待而虜騎數萬至城下保吉不介馬而馳當其前鋒虜引去旣而虜請盟真宗錫宴射於行營謂繼隆等曰北虜自古爲患今得其畏威服義息戰安民皆卿等力也保吉曰臣受

東都事異

卷十九

椅葉出房

命禦寇上稟成筭至於布列行陣指授方畧皆出於繼隆繼隆亦曰宣力用心躬率將士臣不如保吉真宗嘉其能謙寵賜甚厚改鎮鎮安卒贈中書令諡曰壯武保吉有武幹奕世將相家積不貲而治生射利所至侵擾其鎮大名也葉齊查道皆知名士保吉悉命械頸而督運物論非之先是守信鎮宛邱年五十七而卒保吉繼居是鎮及其卒也年復與之同人皆異之

元孫字善長以守信恩補供奉官久之爲閤門祇候遷知京副使累擢至邕州觀察使郵延路副總管會趙元昊反陷金明砦元孫與劉平戰于三川口爲賊所執仁宗以爲已死贈忠正軍節度使及元昊納款乃得歸言者請治其辱國之罪仁宗貸之安置全州後還京師卒年七十三

王審琦字仲寶河南人也漢乾祐初得隸周太祖帳下爲鐵騎指



揮使世宗征劉崇以功領勤州刺史審琦沉毅善謀所至有政績  
世宗征淮舒州堅壁不下以郭令圖爲刺史命審琦司超將兵攻  
城一夕拔之令圖入復見逐於郡人審琦方進軍援黃州聞令圖  
被逐乃選輕騎銜枚襲城夜敗其衆而復納之遂以兵破紫金山  
世宗圍濠梁審琦先拔其水砦乃降及攻楚州審琦謂城陷淮人  
必遁因設伏以待之果如其言審琦仕周累遷至睦州防禦使宋  
興擢爲殿前都指揮使泰寧軍節度使從征李筠改鎮義成討李  
重進也副石守信將前軍出鎮忠正在鎮八年寬簡便民屬邑令  
有以罪黜縣胥者僚佐以爲令不先白是輕主帥也請詰其罪審  
琦曰五代以來諸鎮暴橫令宰之職不振久矣能斥黜吏是可嘉  
也聞者歎伏從征太原改鎮奇州加同平章事卒年五十贈中書  
令追封琅琊郡王審琦素不善飲太祖宴之於後苑祝之曰審琦

東都事畧

卷十九

三

鄧萊山房

布衣之舊方共享富貴酒者天之美祿也何惜不令飲之祝已謂  
審琦曰天必賜卿酒量試爲吾飲之審琦受詔連十數酌無它苦  
自此侍宴必引滿及歸私家卽不能飲或彊飲輒病也子承衍

承衍字希甫尚太祖女昭慶公主是謂秦國賢肅公主拜左衛將  
軍駙馬都尉遷恩州刺史加防禦使太平興國初遷應州觀察使  
授彰國軍節度使契丹入寇出知天雄軍端拱初徙鎮永清再知  
天雄真宗卽位改鎮護國卒年五十二贈中書令諡曰恭肅承衍  
善騎射曉音律好吟詠以功臣子尚主貴顯擁富貴厚自奉養而  
性吝嗇爲世所鄙子世融終內園苑使世融之子克臣以進士第  
元豐中爲工部侍郎終龍圖閣直學士子師約尚燕國公主拜駙  
馬都尉英宗以前公主廢舅姑之禮主壻輒升行齒諸父英宗以  
爲廢人倫不可爲天下法思所以釐正之神宗卽位推原英宗意

下詔公主出降皆行見舅姑禮公主以禮見舅姑自此始師約官至保平軍留後諡曰恭惠子殖亦尚神宗女惠國公主

符彥卿字冠侯陳州宛邱人也父存審後唐宣武軍節度使五代史有傳彥卿年十三能騎射事莊宗於太原以其謹厚令出入臥內莊宗滅梁以爲散員指揮使郭從謙之亂莊宗左右皆引去惟彥卿力戰殺十餘人莊宗崩彥卿慟哭而去天成中以吉州刺史討王都于定州改慶州刺史晉天福初拜同州節度使出帝時爲河陽三城節度使契丹入寇彥卿拒戰于澶淵虜騎數萬圍高行周於鐵邱諸將相顧無敢當其鋒彥卿引數騎力戰虜解去行周賴以免移鎮許州封祁國公與杜重威李守貞經畧北鄙遇契丹主圍之於陽城衆十餘萬諸將無鬪志彥卿曰與其束手就擒曷若與之力戰諸將然之彥卿大敗其衆契丹主乘橐駝而遁車帳東都事畧

卷十九

四

掃葉山房

兵械悉爲彥卿所獲改鎮武寧加同平章事契丹滅晉彥卿遂歸于契丹契丹主以陽城之敗詰責彥卿對曰臣事晉不敢愛死今日惟命契丹主笑而釋之徐宋多盜契丹主遣彥卿歸鎮漢高祖入汴彥卿來朝改鎮兗州加侍中兼中書令封魏國公拜太保移鎮青州周太祖封彥卿爲淮陽王鎮鄆州徙鎮天雄進封衛王世宗時拜太傅改封魏王恭帝卽位加大尉宋興遷太師移鎮鳳翔被病肩輿赴鎮至西京上言疾亟假滿百日受奉如故爲御史所糾於是罷節度使彥卿退居于洛八年閒乘小車駟遍遊佛寺名園人伏其曠達性不飲酒謙恭待士對賓客清談終日不及世務爲將有謀善戰所得奉賜皆分給士卒故人樂爲之用卒年七十八周世宗二后太宗懿德皇后皆彥卿女也自周及太祖朝賜詔不名近代貴盛無與爲比子昭信賀州刺史昭厚天雄軍防禦使



昭壽鳳州團練使爲益州鈐轄昭壽遊宴無度不能御軍神衛卒趙延順以衆怨昭壽信用親僕榜箠軍人謀害昭壽咸平三年正旦中使來昭壽戒馭吏具鞍馬將送之卒乃縱廐中馬陽逐而繫之喧擾之際延順率其衆殺昭壽及其僕都監王澤聞變召都虞候王均擒延順及其黨不能獲乃推均爲首知益州牛冕出奔漢州都巡檢使劉昭榮與均戰死之均遂僭號大蜀建元化順是歲王師討平之追斬均于富順監

王景萊州人也少爲盜梁大將王檀鎮滑臺以景隸麾下莊宗入汴景挺身來降仕唐至奉國都虞候清泰末從張敬達圍晉陽會契丹來援景以所部歸晉授相州刺史遷耀州團練使契丹入寇景與高行周破之于戚城累遷至橫海軍節度使契丹犯京師用其黨爲帥以代景景還至常山聞契丹主耶律德光死卽閒道歸

東都事畧

卷十九

五

掃葉山房

漢乾祐初加同平章事周太祖與景有舊及卽位加侍中爲護國軍節度使移鎮鳳翔顯德初封褒國公加兼中書令世宗命景與向拱率兵討蜀大破蜀軍于上邽遂降秦州逾年徙鎮秦州恭帝卽位封涼國公國初加大保封太原郡王復以爲鳳翔節度使卒年七十五贈太傅追封岐王諡曰元靖初景之奔晉也妻坐誅晉高祖問所欲對曰臣昔爲卒過官妓候小師家意慕之今妻被誅誠得小師爲妻足矣後封楚國夫人景性謙退折節下士每朝廷使至雖卑位皆送迎周旋盡禮左右曰王位崇不宜過自損抑景曰人臣重君命也初封王朝廷以吏部尚書張昭爲使景尤加禮重左右又以爲言景曰我在行伍間已聞張尚書名今使于我是國家厚我也子廷義廷睿廷訓廷義仕至橫州團練使從征太原中流矢而卒廷義性驕傲好夸誕每言我當代王景之子聞者笑



之時目爲王當代景所益鎮廷睿爲牙內指揮使尤驕恣景以其母被戮心憐之廷睿或小不如意必號泣曰還我母安用富貴景不復問家財恣其所用過華陰墜馬而死廷訓仕至左驍衛將軍王晏徐州滕人也家世力田少爲盜應募隸禁軍累遷奉國小校晉末與都校趙暉侯章成陝州遂歸于漢高祖甚喜卽授以節度使及入汴加同平章事漢亡事周改鎮武寧封滕國公因其鄉里以榮之也太祖受命進封趙國公徙鎮安遠改封韓國公請老以太子太師致仕卒年七十七贈中書令

王彥超字德昇大名臨清人也少事魏王繼岌繼岌死乃仕晉爲刺史仕漢爲復州防禦使契丹入寇爲行營馬步左廂都排陣使從周太祖入汴湘陰公贇牙校輩廷美以贇不得立據徐州以拒周太祖拜彥超武寧軍節度使以討之又與王峻拒劉崇于晉州

東都事異

卷十九

六

掃葉山房

改建雄河陽三城河中三鎮顯德初如同平章事屢破劉崇之衆拜忠武軍節度使兼侍中宰相李穀征淮南以彥超將前軍敗淮人于壽州城下淮人水陸來援穀退保正陽淮人躡其後會李重進兵至合執急擊大敗之逐北二十餘里師旋徙鎮永興移鳳翔國初加中書令太祖與彥超宴射于作坊酒酣謂彥超曰卿昔在復州朕往依卿何不納我彥超頓首曰蹄涔之水豈足以安神龍陛下當日不留滯於小郡者天也太祖大笑未幾復鎮永興又爲鳳翔節度使入爲右金吾衛上將軍太平興國中封邠國公彥超語所親曰人臣七十致仕古之制也我今六十九矣自當知止足之分明年遂請老拜太子太師致仕卒年七十三贈尚書令彥超溫和恭謹領九鎮所至民安之而能引年告老爲當世所重始彥超自鳳翔來朝與諸將俱侍宴太祖謂曰卿等皆國家宿舊久臨



劇鎮非朕所以德之之意彥超曰臣無狀勞久冒榮寵願乞骸骨以歸諸將競陳宿昔戰功及履歷艱苦太祖曰此異代事尙足論翌日皆罷鎮時論以此許之一

武行德太原榆次人也身長九尺餘氣貌洪偉少負薪道遇晉高祖高祖見其魁梧甚奇之因留之帳下仕嘗爲寧國軍都虞候契丹犯京師行德陷于契丹僞請自效因遣送將校數十百護所取尚方鎧甲還胡中至河陰行德謂衆曰我與若等能爲異域鬼邪衆素伏其威名皆曰惟命遂攻孟州走其節度使崔延勳悉以府庫分諸校而權領州事遣其弟行友詣太原勸進漢高祖喜因來河陽依行德行德以兵翼至京師授河陽三城節度使加同平章事移鎮成德周廣順初加兼侍中改鎮忠武封譙國公兼中書令改封邢徒鎮武寧世宗征淮行德坐失律左遷右衛大將軍尋授

東都事畧

卷十九

七

韓葉山房

保大軍節度使封宋國公國初改封韓再鎮忠武移安遠召爲太子太傅卒年七十二贈太師

楊廷璋字溫玉真定人也父洪裕少隸貂裘破有以二石雁授之者其翼一拊左一拊右曰吾北嶽使也言訖不知所之是歲生女爲周太祖淑妃明年而廷璋生廷璋以淑妃故得賜官初爲右飛龍使稍遷皇城使世宗卽位拜左驍衛大將軍宣徽北院使除建雄軍節度使隰州關守乃請監軍李謙溥攝州事謙溥至隰并人來圍其城或請速救之廷璋曰賊遽至必未攻城乃募死士百餘人潛諭謙溥相應夜銜枚擊之并人大潰逐北數十里國初荆罕儒監晉州兵疑廷璋周之近親欲圖之見必懷刃而廷璋接以至誠卒不敢發初周太祖嘗諭廷璋國涇帥史懿廷璋屏左右示以詔書懿受代入朝遂免禍時論以罕儒不能加害爲若有施報也

未幾廷璋自鎮來朝授靜難軍節度使移鄜州代還爲左千牛衛上將軍卒年六十

郭從義字德基其先沙陁人也父古仕後唐賜姓李氏古卒從義尚幼明宗時從義官至內園使仕晉爲宿州團練副使復姓郭云契丹入寇漢高祖將建國從義首贊其謀漢興爲鄭州防禦使拜鎮寧軍節度使趙思綰以永興叛命從義討之師次潼關河中李守貞來援從義大破之遂圍思綰拜永興軍節度使思綰困甚從義遣人誘之佯許以華州節鉞思綰信之遂開門送款從義入城思綰謁見卽遣武士執之并其黨斬于市以功加同平章事周初加侍中移鎮許州改鎮天平世宗北征以從義副符彥卿充排陣使世宗還京師加兼中書令又改鎮武寧乾德初拜護國軍節度使來朝太祖召於便殿擊鞠從義易衣跨馬精心呈技以下太祖

東都事畧

卷十九

八

栢葉山房

之知及罷命升殿賜坐太祖謂曰卿之技誠妙矣然非將相所爲也從義大慚爲右金吾衛大將軍請老以太子太師致仕從義爲將有謀畧爲人持重博通技藝善飛白書卒年六十四贈中書令臣稱曰唐季以來至于五代藩鎮之禍烈矣宋興令坤從義彥卿握重兵在河北守信審琦彥超等以宿將處方鎮而數子者識歷數之攸在知天命之有歸故號令一出莫不稽首聽命或納節以備宿衛或請老而知止足使藩鎮之禍泯然而不作克保功名長守富貴雖太祖之善御豪傑而亦數子者能擇其禍福輕重而審處之斯可以言智矣



慕容延釗字化龍太原人也父章開州刺史延釗少以勇敢開漢高祖之起也周太祖爲其佐命以延釗隸帳下世宗卽位領溪州刺史高平之戰以功遷團練使拜藍州防禦使從世宗征淮南爲殿前都虞候與宋延渥大破其軍淮南平遷殿前副都指揮使淮南節度使徙鎮鎮寧爲殿前副都點檢太祖受禪延釗時握重兵屯真定太祖諭旨聽以便宜從事延釗與韓令坤率所部兵巡邊一方以安太祖深德之加殿前都點檢同中書門下二品以其父名章不曰平章事也李筠叛命延釗與王全斌討之俄知潞州行府事澤潞平加兼待中請解軍政徙山南東道節度使王師南征延釗將行營前軍時延釗被疾詔令肩輿卽戎事遂平定荆湘是

東都事畧

卷二十

補葉山房

歲卒年五十六延釗與太祖友善太祖任殿前都點檢延釗爲副常兄事延釗及卽位猶呼爲兄泊寢疾御封藥以賜聞其卒軫悼尤甚贈中書令追封河南郡王

李處耘字正元潞州上黨人也父肇仕後唐爲軍校討王都于定州會契丹來授力戰死晉末處耘尚幼隨兄處疇至京師遇張彥澤之暴處耘善射獨當里門殺數十人里中賴之漢初隨折從阮于府州後從阮歷鄧滑等節度悉委處耘以軍政李繼勳鎮河陽補處耘右職繼勳罷世宗以處耘隸太祖帳下爲都押牙會太祖北征至陳橋處耘見軍中謀欲推戴遂召馬仁瑀李漢超等入白

太祖太祖拒之旣而諸軍大譟入驛門處耘臨機決事謀無不中太祖奇之授客省使兼樞密承旨從平澤潞遷宣徽北院使討李重進爲行營兵馬都監賊平以處耘知揚州有善政拜宣徽南院



使樞密副使周保權乞師討張文表太祖命處耘與慕容延釗赴之以處耘爲都監師次江陵高繼冲請舉族歸朝卽引兵趨湖湘大破賊于三江口又遇賊帥張從富于澧江南擊敗之逐北至敖山砦賊棄砦走俘獲甚衆旣而延釗大軍至州人大懼縱火焚州城而潰保權幼爲大將汪端所劫藏于江之南岸僧寺中處耘遣麾下將田守奇帥師度江獲之磔于市遂入潭州盡得荆湖之地坐與延釗不協責澠州刺史卒年四十七贈宣德軍節度使處耘多機謀常以功名自任自以受太祖非常之遇思有以報故臨事勇於敢爲遂至於貶朝廷以延釗宿將乃獨罪處耘而處耘終不自辨太宗明德皇后處耘女也契丹處耘瑋王子繼隆繼洵繼和繼尙官至洛苑使順州刺史處耘見處疇至作坊使有子繼凝終樞密直學士

東都事略

卷二十

一

掃葉出房

繼隆字霸圖以父任爲供奉宣常從宦于蜀還涉危棧身與馬皆墜絕澗十餘丈而不傷又更戍邠州至長沙遇蠻寇手足中藥箭得良藥而愈曹彬平江南太祖謂曰昇州平可持提書來時內侍十數輩皆伺城陷獻提會有機事當入奏繼隆請行太祖以城未下怪其來繼隆奏曰途遇大風天地冥晦城破之兆也翌日提奏聞太祖語之曰昇州城已破如汝所言矣江南將盧絳擁兵數萬繼隆以威信諭之乃降江南平遷莊宅副使改大宅使太宗征太原討幽州圍范陽繼隆皆與焉又從崔翰戰徐河從潁美出代北皆有功李繼遷叛命繼隆擊之屢破繼遷之衆改環州團練使從曹彬北伐繼隆獲虜貴臣一人彬欲上其功繼隆力止之俄諸將兵敗獨繼隆振旅成列虜不敢犯卽以繼隆知定州有敗兵數萬集城下繼隆給券俾各持詣所隸太宗嘉其有謀端拱初累加



侍衛馬軍都指揮使領保順軍節度使出師定州三年送芻粟入  
威虜軍虜騎八萬遂繼隆繼隆以萬人敗之追奔過徐河十餘里  
初詔止令堅壁清野繼隆曰闕外之事將帥得裁也中黃門杜延  
壽止之不能故成功詔廢威虜軍繼隆謂梁門爲北面保鄣不可  
廢也遂復城守召還收鎮定難時夏州趙保忠與繼隆連謀朝廷  
慮之命繼隆將河西行營之師以討之旣而繼隆遣擒保忠以獻  
於是諸將請誅保忠及出兵追賊繼隆曰保忠機上肉耳當請於  
天子今繼隆遁去千里窮殫難於轉餉宜養威持重未易輕舉諸  
將皆伏其言至道二年白守榮馬繼忠等送糧靈州爲賊所邀敗  
於洛河太宗聞之怒亟以繼隆出環州取東關鎮由赤裡苦井路  
赴之繼隆以所出道遠乏水請由棗駝路徑越賊之巢穴太宗遣  
周瑩齎詔切責瑩未至繼隆已由軍行十餘日不見賊而還諸將  
失期繼隆乃奏轉運使陳緯梁鼎之乏糧並坐免官繼隆嘗受詔  
由旱海護靈州軍糧繼隆固執由古原州蔚茹河爲便太宗從之  
乃帥師以進壁古原州是爲鎮戎軍真宗卽位收鎮安軍節度使  
召還加同平章事徙鎮山南東道判許州景德初契丹入寇逾魏  
至河上真宗親征命繼隆爲排陣使先赴澶州契丹數十萬逼州  
北城繼隆與石保吉大破之彊弩斃其貴將順國王撻覽追奔數  
十里及車駕至幸北門觀兵召見勞問見其部伍巖整歎息久之  
撻覽旣死契丹懼遂請和加開府儀同三司卒年五十六贈中書  
令諡曰忠武乾興初配享真宗廟廷繼隆性沉厚御下甚嚴好讀  
左氏春秋賓禮儒士子昭亮

繼和字周叔少以蔭補供奉官三遷洛苑使初繼隆請城鎮戎軍  
朝廷疑之繼和奏曰平涼山川險阻旁扼夷落爲中華襟帶城之



使太宗許之後復不能守繼和又以爲言遂城之以繼和知軍事  
李繼遷擾邊繼和上言鎮戎軍爲涇原儀渭北面捍蔽又爲環慶  
原渭儀秦熟戶所依今置此城以扼賊要路臣慮議者以調發芻  
糧擾民爲言且此軍所費止出四州地呈匪運輸送甚易又守邊  
之區內愛家屬之窘匱外憂姦邪之憎毀欲其奮不顧身令出惟  
行不可得也臣聞李漢超守關南屬州錢七千萬貫悉以給予非  
次犒賚動及千萬漢超猶私販搵場規免征稅當時有以此事達  
于太祖者卽詔漢超私物所在悉免關征故漢超居則營生戰則  
誓死太祖之世一方爲之安靜方今如漢超之才固亦不少願以  
太祖爲法選擇有傑使守靈武高官厚祿不容與之乃可保必勝  
之功又朝廷禁青鹽甚爲允愜斯困賊之良策也咸平五年繼和  
領兵殺衛埋族於天麻白是隴山外諸族皆恐懼內附繼和因請

東都事略

卷二十一

四

續樂山房

移涇原帥臣于鎮戎以壯軍勢又請開道環延爲應援真宗嘉之  
爲并代鈐轄契丹入寇繼和領兵赴趙州歸其後契丹請和復還  
并代遷西上閣門使未幾擢殿前都虞候領端州防禦使卒年四  
十六

昭亮字晦之四歲補供奉官父繼隆北征昭亮尚幼遣持詔軍中  
問方畧及營陣衆寡之勢還奏稱旨累擢西上閣門使仁宗卽位  
進東上閣門使知代州又知定州徙瀛州逾年拜成州團練使遷  
寧州防禦使徙定州改延州觀察使拜感德軍留後爲秦鳳路副  
都總管徙永興軍路又徙天雄軍道除殿前副都指揮使尋知代  
州徙真定路都總管保州兵據城反昭亮往諭以禍福因稍稍縋  
城下官軍遂入城以功拜懷康軍留後知定州明年拜武寧軍節  
度使殿前都指揮使有卒博于都市而撤屋椽相擊者捕斬之其



軍校隨州刺史宋緒來謝亦杖之庭下仁宗祀南郊有騎卒亡所  
挾弓明日當以赦罪昭亮謂宿衛不謹不可以赦原配隸下軍  
慶歷八年拜宣徽北院使判河陽徙延州加南院使判澶州徙并  
州成德軍拜同平章事判大名府定州歷鎮天雄彰信泰寧以疾  
願還爲景靈官使卒年七十一贈中書令諡曰良僖昭亮爲人和  
易於軍政特嚴然喜交權貴頗爲時所非云

至全斌太原人也父爲岢嵐軍使私蓄武士唐莊宗疑而召之懼  
不敢行全斌時年十二謂其父曰上疑父有異志若以全斌爲質  
則釋矣父如其言全斌因得隸莊宗帳下歷晉漢周以軍功積官  
至相州留後宋興除安國軍節度使徙鎮忠武太祖伐蜀以全斌  
將西川行營前軍率禁兵出鳳州孟昶遣大將王昭遠焚桔柏江  
浮橋退守劍門全斌遂克利州全斌謂諸將曰劍門天險古稱一

東都事考

卷二十一

五

掃葉山房

夫荷戈萬夫莫當宜各陳進取之策侍衛軍頭向韜曰來蘇有路  
可通劍門蜀人於江西置砦對岸有度自此出劍門二十里至青  
疆店與大路合可於此進兵卽劍門之險不可恃也全斌然之命  
偏將史延德分兵趨來蘇造浮梁於江上蜀人見梁成棄砦而遁  
全斌等擊破之昭遠彥韜敗走皆見擒遂克劍州殺蜀軍萬餘人  
王師次魏城蜀主孟昶遣使奉表請降全斌入成都後十餘日劉  
光毅始自峽路至昶饋光毅等及犒師並同全斌之至會詔書頒  
賚諸軍亦無差等由是南路主帥遂不協俄詔發蜀兵赴闕全斌  
等不時宣行蜀軍憤怨亂軍至綿州果叛有衆十萬自號興國  
軍全師雄嘗爲蜀將亂兵推爲帥攻綿州又攻彭州成都十縣皆  
起兵應師雄師雄自號興蜀大王開幕府置僚屬衆益盛自是蜀  
蜀等十七州並隨師雄爲亂全斌等甚懼時城中降兵尚二萬餘

人全斌慮其應賊殺之夾城中未幾劉光毅曹彬破師雄之衆于  
新繁擒萬人師雄退保郫縣全斌與王仁贍又攻破之師雄走虎  
捷指揮使呂翰爲主將不禮與師雄黨劉澤合衆至五萬仁贍等  
討呂翰於嘉州翰敗入雅州師雄病死于金堂仁贍又敗呂翰于  
雅州翰走黎州爲下所殺賊衆始息初全斌之至蜀也適屬冬杪  
京師大雪太祖設氈帷於講武殿衣紫貂裘帽以視事急謂左右  
曰我被服如此尚覺寒况征蜀將士乎卽解裘帽遣使賜全斌全  
婦受賜感泣於是蜀民訟其培克太祖以其新立功不欲辱以獄  
吏令中書問狀全斌等具伏隱沒金銀犀玉錢帛十六萬餘緡又  
受僞蜀臣僚賂遺九萬緡又擅開豐德庫致失錢二十八萬一千  
餘緡太祖令御史臺於朝堂集百官議於是百官定議全斌等罪  
當大辟太祖貸其死乃責崇義軍留後太祖郊祀洛陽召全斌侍

東部事略

卷二十

六

掃葉出房

祠復武寧軍節度使謂之曰朕以江左未平慮征南諸將不遵紀  
律故抑卿數年爲朕立法今已克金陵還卿旄鉞仍賜以銀器萬  
兩帛萬匹錢千萬全斌至鎮數月卒年六十九贈中書令全斌貶  
黜凡十年怡然自得丁審鈞至崇儀使以擊賊而死審鈞子惟志  
惟志子凱

凱字勝之審鈞旣死王事遂徙居京兆家富於財凱曰散施結客  
與少年馳獵南山下或逾月不歸民有訟其踐田苗者收至府寇  
準守京兆見而奇之言於朝以全斌平蜀之功而審鈞復死於忠  
義當錄其後遂除凱三班奉職累擢閤門祇候鎮定邢趙都巡檢  
使趙元昊反徙監麟州兵以功遷至武勝軍留後馬軍副指揮使  
卒年六十六贈彰武軍節度使諡曰壯恪子緘緘之子誥字晉卿  
尚英宗女蜀國公主拜駙馬都尉誥能詩善畫官至留後



王仁贍字子豐唐州方城人也少侷儻不事生業劉訥爲永興軍節度使以爲牙校詞卒遺奏薦仁贍材可用太祖素知其名請於世宗隸帳下宋興授武德使乾德三年自內客省使拜樞密副使王師伐蜀仁贍爲行營前軍都監蜀平坐沒入生口財貨殺降兵至蜀上擾亂責右衛大將軍初大將王全斌貪財貨不戢軍政寇盜充斥太祖知之及全斌歸闕太祖召仁贍詰之仁贍歷詆諸將過失以自解太祖曰納李廷珪女開豐德庫取金寶此豈全斌等邪廷珪故蜀將也開寶末領三司使仁贍在三司僅十年頗縱吏爲姦利時副使陳恕任苛察五持三司短長仁贍不能勝責唐州防禦使仁贍既失權因怏怏而卒年六十六

崔彥進大名人也少有膂力善騎射漢乾祐中隸周太祖帳下累遷至昭州刺史國初從征李筠爲先鋒以功遷常州防禦使遷侍

東都事畧

卷二十一

七

掃葉山房

衛步軍都指揮使領武信軍節度使王師伐蜀以彥進副王全斌將行營前軍蜀平坐縱部下畧王帛子女及諸不法事左遷昭化軍留後太祖郊祀西洛彥進來朝授彰信軍節度使移鎮河陽太祖征太原詔彥進攻其東太原平從征兩州與曹彬米信出雄州王師敗績坐違彬節度貶右武衛上將軍久之拜保靜軍節度使卒年六十七贈侍中

劉廷讓其先涿州范陽人也曾祖仁恭唐盧龍節度使祖守文襲滄州昭宗授以節鉞其弟守光囚其父守文舉兵討之爲守光所殺父延進避難南奔廷讓少時以勇力聞周太祖鎮鄴以隸帳下仕至涪州團練使國初轉江州防禦使從征李筠爲先鋒改侍衛馬軍都指揮使領寧江軍節度使王師伐蜀命廷讓率禁旅由歸州路進討將行太祖以圖示之指夔鎖江處曰至此我之舟師當

止三十里外以步騎先進出其不意而擊之俟其稍却即以戰棹夾攻之取之必矣於是大敗蜀軍遂破夔州進克萬施開忠四州  
陝中郡縣悉下師進次遂州克之以府庫資將士始王師之出也  
太祖謂曰所破郡縣當傾帑爲朕給戰士朕所取惟疆土爾故人  
皆效命所至有功如席卷之易及蜀平王全斌等皆坐貪縱左遷  
惟廷讓所至秋臺不犯及全師雄作亂又與曹彬破之以功收鎮  
安軍節度使徙鎮鎮寧廷讓本名光毅太宗卽位賜今名入爲右  
驍衛上將軍雍熙三年曹彬敗於岐溝太宗以廷讓知雄州徙瀛  
州與契丹戰于君子館我師敗績契丹遂陷祁德等州廷讓詣闕  
請罪太宗不之責也復命知雄州以病求歸京師不俟報離屯所  
太宗怒下御史劾狀削奪官爵流商州行至華州而卒年五十九  
太宗念之贈太師

東都事略

卷二十

八

詩葉山房

臣僂曰自古用兵行師主帥共事及其成功未有無嫌隙者也延  
釗處耘兵不血刃而平荆湖功高矣由是而生隙全斌光毅分路  
伐蜀朝廷賜予無差等亦因之而不協得非以位侔勢逼使之然  
邪獨澶淵之役石保吉與李繼隆不矜其功更相推遜于上前爲  
可嘉也保吉曰布列行陳指授方畧皆出於繼隆繼隆曰宣力用  
心躬率將士臣不如保吉豈不賢哉



東都事畧卷第二十一

列傳四

胥居澗字廣川博州高唐人也少有氣節嘗為樞密院小吏景延廣留守西京補為右職契丹犯京師以兵圍延廣家故吏悉避去居澗為全護其家時論稱之仕周世宗為軍器庫使從征高平以功遷容省使知青秦二州歷知鳳翔河中入知開封府世宗幸淮上命為副留守遷宣徽北院使加南院使判開封府太祖征澤潞命居澗赴澶州巡警師還知鎮州拜義成軍節度使卒年五十九贈太師

張美字元圭貝州清河人也少為三司小吏澶州糧料使周世宗鎮澶淵每有求取美悉力應之及即位召為樞密承旨權判三司授三司使世宗用兵淮上及北征以美為大內都點檢師還擢左

東都事畧

卷二十一

掃葉山房

領軍上將軍充宣徽北院使世宗連歲征討糧餽無乏美之力也然每思澶州所為終不以公忠待之李筠叛太祖親征以饋運功拜定國軍節度使五代以來官市木關中州歲出緡錢數十萬以假民長吏十取其一謂之率分錢美至鎮有所謂率分錢者一無所受由是始革其弊移鎮滄州太宗時為左驍衛上將軍致仕卒年六十八諡曰恭惠

向拱字星民懷州河內人也始名訓避周恭帝名改焉嘗以策干漢高祖高祖不用客于周太祖及太祖即位授宮苑使屢破太原軍會慕容彥超反以拱為都監賊平為陝州巡檢改知陝州權知延州召拜左神武大將軍世宗親征劉崇以精騎居陣中高平之捷以功拜義成軍節度使自昔以來秦成階三州入于蜀蜀又取鳳州至是宰相王溥薦拱有將帥材今欲取秦鳳非拱不可世宗

遂命拱討之復取四州世宗征淮以拱權東京留守徙鎮淮南爲  
松江招討使時周師久駐維揚圍壽春經年未下拱言於世宗欲  
且徙揚州之師併力以攻壽春世宗許之拱遣牙將分部按巡城  
中秋毫不犯軍民感悅及師行有負糗糧以送者至壽春與李重  
進合勢以攻其城改淮南道招討都監敗淮軍二千于黃若砦世  
宗幸壽州以拱爲武寧軍節度使以克壽州功加同平章事徙鎮  
歸德淮南又徙山南東道國初加兼侍中太祖征李筠拱迎謁至  
汜水言於太祖曰李筠謀逆已久兵勢漸盛陛下宜濟河逾太行  
乘其未集而誅之儻稽旬次恐賊氣愈滋攻之難爲力矣太祖從  
之筠果率兵南向聞太祖至惶駭遂入澤州封譙國公爲河南尹  
拱在河南十餘年專修節園林第舍日縱酒以聲妓自奉府政不  
治太祖聞之怒乃移安州以左武衛上將軍焦繼勳代之謂曰卿  
無效向拱也太平興國初進封秦國公來朝授左衛上將軍卒年  
七十五贈中書令

東都事略

卷二十一

十一

精業山房

高懷德字藏用常山人也周天平軍節度使齊王行周子也行周  
五代史有傳懷德忠厚倜儻有武畧仕晉漢爲刺史至周爲侍衛  
馬軍都指揮使寧江軍節度使太祖受禪擢爲殿前副點檢移鎮  
滑州尚宣祖女燕國長公主加駙馬都尉李筠叛太祖親征先令  
懷德率所部與石守信進破筠衆于澤州改鎮忠武又改歸德  
加同平章事太宗卽位加侍中徙鎮曹州封莫國公移鎮武勝  
卒年五十七贈中書令追封渤海郡王諡曰武穆

韓重贇磁州武安人也少勇力隸周太祖帳下廣順初爲左班  
殿直從世宗戰于高平以遷鐵騎指揮使又從征淮南以功領  
虔州刺史國初以重贇有功戴之功擢爲龍捷右廂軍校領永州



防禦使從太祖征澤潞還爲侍衛馬軍都指揮使領寧江軍節度使李重進反以重贊爲行營馬步軍都虞候改殿前都指揮使徙鎮義成太祖命有司畫洛陽宮殿按圖修治宮闕以重贊總其役自是皇居壯麗矣時有譖重贊私取親兵爲腹心者太祖怒欲誅之趙普力辯其不然且曰親兵陛下必不自將須擇人付之若重贊以讒誅卽人人懼罪誰復爲陛下將親兵者太祖納其言重贊得不誅重贊徐聞普常救已卽詣普謝普拒不見也出鎮彰德太祖征太原召重贊謂曰虜知我是行必率衆來援卿可領兵倍道由鎮定以破之乃命重贊總北面行營之師重贊遇虜于定州大破之卒贈侍中子崇訓

崇訓字知禮以父任爲供奉官累擢四方館使樞密都承旨景德三年與馬知節並僉書樞密院事崇訓長厚謙畏未嘗忤物以自疾求罷除齊州防禦使授左龍武大將軍韶州防禦使求致仕以本官分司卒年五十六

東都事略

卷二十一

二

掃葉山房

張承德字抱一并州曲陽人也初周太祖柴后本唐莊宗之嬪御也莊宗沒明宗還歸其家行至河上父母避之會大風雨止於逆旅數日有一丈夫去過其門衣弊不能自庇后見之驚曰此何人邪逆旅主人曰此馬步軍史郭雀兒者也后異其人欲嫁之請于父母父母志口汝帝左右人歸當嫁節度使奈何欲嫁此人后曰此貴人不可失也囊中裝分半與父母我取其半父母知不可奪遂成婚于逆旅中所謂郭雀兒卽周太祖也后每資以金帛使事漢高祖卒爲高祖佐命后父柴翁旣老每夜寐及晝起常寡言笑其家問之不答其妻醉之以酒乃曰昨見郭雀兒已作天子初周太祖將兵征淮南過宋州宋州使人勞之于葛驛葛驛先有一男



子一女子不知其所從來轉客於市傭力以食父老憐之釀酒肉衣服相配爲夫婦及太祖至市人聚觀女子於衆中呼曰此吾父也市人驅之去太祖聞之使前問之信其女也相持而泣將攜之以行女曰我已嫁人矣復呼其夫視之曰此亦貴人也乃俱挈之軍中奏補供奉官卽永德也漢命永德押賜昭義節度使常遇生辰禮物遇太祖之外兄弟也太祖時鎮鄴有密詔付遇永德在潞州聞之因謂遇曰郭公被讒今日之詔得非茲殺永德邪永德卽死切恐累公爾遇驚曰何謂也永德曰姦邪蠹政郭公誓清君側願且以永德屬吏事成足以爲德不成死未晚遇以爲然止令壯士嚴衛然所以餽之甚厚親問之曰君視丈人事得成否永德曰殆必成以柴翁夢所見爲驗未幾太祖使至遇賀且謝曰老夫幾誤大事周氏親戚盡誅唯永德夫婦在周太祖旣卽位除永德左

東都事略

卷二十一

四

掃葉山房

衛將軍駙馬都尉妻爲晉國公主遷泗州防禦使從世宗征劉崇高平之戰何徽樊愛能退軻時我太祖及永德牙兵各二千人而已太祖曰賊氣方驕公麾下頗能射可西出陟高而上吾張左掖以應之其勝可必永德以爲然遂大捷劉崇單騎而遁世宗謂永德曰樊愛能何徽及偏裨七十餘人吾欲盡按軍法何如對曰必欲開拓疆宇威加四海安可已也因甚稱太祖智勇世宗善其言悉誅愛能輩以徇軍聲始振從世宗征淮南破紫金山十八砦吳人樓船蔽川永德擇習水者潛鑽其船引兵擊之多溺死又以兵絕濠州餉道世宗褒之擢爲殿前都點檢從克壽州領鎮寧軍節度使同平章事恭帝嗣位移鎮忠武太祖受禪加兼侍中改鎮武勝入覲道舊不名恩禮甚厚嘗問下并汾之策對曰彼兵雖少而悍加以北虜之援未可遽也姑以閒謀離虜心設游兵以擾其檣



事待其困弊乃可圖耳嘗有人告永德謀反太祖曰永德非反者  
卽械送之永德曰爾敢告吾反膽甚大命破械管而遣之太宗卽  
位封永德鄧國公連知滄雄定三州徙鎮安化召還爲河北路排  
陣使屯定州與虜戰斬獲甚衆淳化初知鎮州又徙鎮奉寧兼侍  
中判并州眞宗卽位封魏國公改鎮彰德知天雄軍以老還鎮卒  
年七十二贈中書令始永德四歲時母馬氏被出嫁安邑人劉祚  
祚卒永德於南陽公宇爲二堂繼母劉居其左馬氏居其右問安  
視膳皆得其懽馬氏封莒國夫人劉先卒永德爲起大第員田以  
聚其族繼母之弟劉再思亦任以官初永德居睢陽時比鄰有書  
生臥疾療之獲痊來謝永德因丐水銀五兩永德與之卽以藥同  
置鼎中有頃成中金將別永德欲求其術書生曰吾不吝此慮損  
君壽永德留之不可曰後嘗見淮上周世宗用兵壽春永德從之

東都事畧

卷二十一

五

補漢書

因出射見一僧乃昔書生也謂永德曰若見二屬豬人善事之當  
保五十年富貴且辭去是時太祖方以力戰有功雖動名曰盛而  
出於側微鞍馬服用未有以自給永德稍以家貲奉太祖太祖天  
資英特問其年生於亥永德大喜傾身事之太祖深以爲德而不  
知其故也其後太宗娶符氏后謀於太祖曰符氏大家前吾方貧  
無以爲媵奈何太祖與永德書令太宗往以情告之永德延之臥  
內太宗姿表偉異問其年亦生於亥也永德驚喜傾家助之故永  
德在兩朝恩寵不替永德涉獵書史頗善吟詠禮賢樂士故士大  
夫皆推尚之

郭崇應州金城人也初名崇威避周太祖諱止稱崇弱冠以勇力  
應募爲卒後唐清泰中爲應州騎軍都校晉高祖割雲應地入于  
契丹崇恥臣於虜挺身南歸爲騎軍都校仕漢至果州團練使護



聖右廂都指揮使從周太祖入平國難與李筠拒慕容彥超於留  
子陂走之以崇補侍衛馬軍指揮使時遣馮道迎湘陰公贇于徐  
州將立之會契丹入寇周太祖北征次澶州軍變樞密使王峻遣  
崇率七百騎拒贇過於睢陽崇曰澶州兵變遣崇來衛乘輿非有  
它也具言軍情有屬天命已定贇執崇手而泣崇卽送贇就館崇  
仕周爲陳州節度使同平章事世宗親征太原副符彥卿將行營  
之師軍還加侍中移鎮成德世宗征淮甸契丹萬騎掠邊境崇帥  
師破之于束鹿斬首數百級俘人口牛羊三萬餘國初加兼中書  
令初太祖受禪崇感周室恩過或時出涕爲監軍所奏太祖曰我  
素知崇篤於恩義此益感激爾遣人覘之還言崇方與賓屬飲博  
城中晏然太祖笑曰果如吾言未幾來朝時李重進叛命崇節制  
乾德三年卒年五十八贈太師崇重厚寡言有謀畧子守璘至洛

東都事畧

卷二十一

六

掃葉出房

苑副使守璘子允恭仕至崇儀副使允恭次女天聖二年立爲皇  
后

宋偃河南洛陽人也祖瑤唐天德軍節度使父廷浩尚後唐莊宗  
女義寧公主生偃仕至房州刺史晉初爲汜水關使張從賓之叛  
戰死之偃年十一以父死事補內殿直遷供奉官漢高祖在晉陽  
遣其子承訓至洛與偃結婚卽承寧公主也稍遷皇城使漢乾祐  
初拜右金吾衛大將軍駙馬都尉隱帝卽位授昭化軍節度使移  
鎮滑州周太祖舉兵向闕偃在鎮開門迎謁卽率兵從太祖至留  
子陂隱帝衛兵悉走投太祖太祖謂偃曰至尊危矣公近親可亟  
去擁衛無令驚動偃策馬及御營軍已亂矣世宗征淮以偃爲右  
神武統軍充行營右廂都排陣使大破其衆世宗多露宿野次忽  
有猛虎逼近乘輿偃引兵射之一發而斃江北平師還復授滑州



節度使又移鎮鄧州宋興李重進謀以揚州在觀察其情具以聞  
太祖令偃屯海陵以觀變遂從征揚州爲官排陣使以功改鎮  
保信徙鎮國又徙忠武開寶中太祖納女女爲皇后徙鎮靖難  
太平興國初加同平章事移鎮定國從太原太原又從征幽州太宗  
幸大名命偃知滄州封邢國公俄還同州入爲右衛上將軍雍熙  
中曹彬等北伐班師命偃知霸州卒年六十四贈侍中諡曰莊惠  
偃唐莊宗之外孫漢高祖之婿文昭之章皇后貴戚之盛鮮有其  
比然謙恭下士人亦以此稱之始名也偃後易爲偃云

郭守文字國華太原人也其父暉周太祖征河中戰死守文年  
十四太祖憐之召隸帳下補左班直國初遷西頭供奉官潘美  
征嶺南擒劉鋹遣守文馳傳告提舉翰林副使從曹彬平金陵護  
送李煜歸闕煜無生意守文語之曰國家開拓境土復禹舊迹豈

東都事考

卷二十一

七

揚美山房

責防風之後至邪煜心遂安改西京作坊使太宗征太原命守文  
與判四方館事梁迥分護行營馬步軍會劉繼元降其弟繼文據  
代州依契丹之援以拒命遣守文討平之又破契丹于滿城以功  
遷東上閤門使檀州刺史召拜內客省使契丹寇雄州守文赴援  
旣至契丹遁去加武州團練使武州夏州鹽城鎮宓羅賦等十四族  
斬首數千級焚千餘帳俘百餘人獲牛馬羊萬計又破咩寇殲焉  
諸部畏懼相率來降凡銀麟夏二州歸附者百二十五族萬六千  
餘戶西鄙以定雍熙三年大舉北伐爲幽州道行營前軍步軍水  
陸都監與契丹遇爲流矢所中氣色不撓督戰益急左右騎從莫  
之知也軍中服其量會我師不利坐違詔逗留退軍左遷右屯衛  
大將軍明年復故官拜宣徽北院使北面排陣使屯鎮州改南院  
使契丹入寇大破之于唐河卒于屯所年五十五贈侍中諡曰忠

武守文沉厚有謀頗知書既卒有使自北邊來言守文死軍中皆  
流涕太宗問何以致此對曰守文得奉悉以犒士卒死之日家無  
餘財太宗歎息久之賜其家錢五百萬太宗爲真宗納守文次女  
爲夫人卽章穆皇后也追封守文譙王

東都事畧卷第二十一終



